



Համարի տպագրությանն աջակցել է Համազգային հայ կրթական և մշակութային միության (հիմնադրամ) Գյումրու գրասենյակը

ԳՈՅՈՒԹՅԱՆ ԱՌԵՂԾՎԱԾԻՆ ՄԵՐՁ

ՎԱՐԱՆ ԹԱՄԱՐՅԱՆ

Ի նընջմանդ արքայական,
Զարթիր, նազելի իմ, զարթիր...
ՊԼՂՏԱՍԱՐ ԴՊԻՐ

ՄԱՐԴԸ հայտնվել էր Սպիտակից...

Ասում եմ՝ հայտնվել էր, որովհետև նա, իրոք, անհայտությունից էր եկել։ Երկար, զգգգված մազեր, այսպես ջղային, այսպես՝ ծնկներ թուլացնող ձայն ու շարժումներ, և աչքեր, որ նկարագրության ենթակա չեն։ Սպիտակ քաղաքի դարոցներից մեկի տնօրենն էր այդ մարդը։ Պատմում էր՝ ինքն իր ծայնից ու մեր ներկայությունից վախենալով, ցաքուցրիվ։ Նրա պատմությունը, որքան էլ ճշմարիտ, բայց մեզ անհավանական էր թվում։ Մենք՝ Կիլիկիա թաղամասի մի խումբ տնվորներ, անհավատ չէինք, բայց դժվար էր հավատալ, իբր, Սպիտակը հիմնովին ավերվել է, թեև դրսում չարագույժ, անկյունից շարտված դանակի պես՝ անապատելի խոցող, կաղկանձն էր շտապօգնության մեքենաների...

Անընդհատ միացրած են ռադիոն, հեռուստացույցը։ Գունավոր էկրանին ժամանակ առ ժամանակ հայտնվում է մոլորված որևէ հաղորդավար և ասում, որ սպասվում է շատ կարևոր հաղորդագրություն։ Երեկո է։ Ժամերը տանցելով անցնում են, իսկ հաղորդագրությունը չկա ու չկա։ Ոնց որ մարդու ողջ-ողջ թաղեն։ Ինչի՞ են սպասում։ Դուրսն ավելի ճնշող է։ Երկար, զգույշ պտտվում են ավտոկայանի շուրջը։ Ավտոբուս է գալիս։ Լենինականից է։ Վախեցած մոտենում և անմիջապես էլ ետ են քաշվում. հողմնապակին արնոտ է։ Ավելի ետ գնալով, լարված սպասում են անհայտության ճշգրտվելուն, երևի։ Ուղևորներին են նայում, բայց հստակ չի երևում, թե ովքեր կամ ինչ վիճակում են իջնողները։ Շատերն են ինձ պես հեռու կանգնած, վախենում են մոտենալ ու մի բան հարցնել։ Հեռու կանգնած ինչ-որ կանայք ջղային հեկեկում են։ «Փափախ» տաքսիների կանգառում տոկալի իրարանցում է։ Լենինական կամ Սպիտակ տանելու համար վարորդներն իսկապես «հոր գին» են պահանջում։ Իսկ ինձ, չգիտեմ ինչու, թվում էր, թե ձրի են տանելու...

Տազնապալի, անքուն գիշեր։ Ծանր, անորոշ հեռանկարով սկսված լուսաբաց։ Ու երկար, խուճապահար ճանապարհորդություն դեպի Լենինական։ Բուն խուճապն ահագնացավ Աշտարակի մատույցներում. դիմացից եկող մեքենաների բոլոր լույսերն անխտիր վառվում են։ Ոչ ոք ազդանշան չի տալիս կամ հատուկենտ են ճանապարհի ստանալու աղերսով։ Արյան սառած շիթեր ապակիներին։ Ծռնված, ծնված, ջարդված մեքենաներ։ Կքված, թեքված, վիրակապված մարմիններ։ Արնոտ շորեր։ Մի կերպ անցանք Աշտարակը։ Մեր գլխավերևով դեպի Լենինական է ձգվում գորշ կանաչ ուղղաթիռների աղմուկոտ երանը։ Դրանք մի ժամանակ ուզածիդ պես վարում-ցանում էին երևանի երկինքը։ Իսկ հիմա բժիշկ, դեղորայք, մթերք են տանում երկրաշարժի գոտի։ Ա՛հ, տարօրինակ

կյանք. սպանում է, որ փրկի, փրկում է, որ սպանի։

Լենինական...

Ուղիղ քառասուն օր անց, ողբով լցված մի գիշեր, ես ծնկի կիցնեմ գերեզմաններիդ դիմաց և կիիշեմ մի մարդու՝ նույնպես ծնկի իջած ու գլուխը սառցակուղ գետնին խփելով։ Իբրև սովորական պատկեր՝ կիիշեմ, և իմ երակներով սառույց կիսի։ Եվ կնտածեմ, Լենինական, որ քեզ նման քաղաք չի եղել աշխարհում։ Եվ այլևս չի լինի... Եվ այլևս հավիտյանս հավիտենից։ Տեր իմ, ինչո՞ւ հողը մեզ մոկտացրեց։ Այս հող երեխան։ Կապը կտրած, անգուր, անբախտ, առանց մեզ քարուքռա այս վայրենին։ Մեզ պատիժ ու պարգև այս կոշտ և փխրությունը։ Այս անժամկետ խռովությունը։ Մեր ոտաց տանիք այս աստվածությունը։ Մեր արյան անտակ սափոր այս տապանաքարն ու տապանը։ Մեր տխուր աչքին, մեր նախշքար ձեռքին, մեր ավետյաց փառքին, մեր ծովընդծով լացին ու երազին մատաղ այս հայտնությունը։ Միփթարության կարոտ այս սևավորն, ախր, չի՞ թողնում, թե ի մի բերենք մեր հոգու և մարմնի բեռները։

Քաղաքի վրա ծնկած երկնքում սևն էր։ Անթափանց, դավադիր խավար։ Ի՞նչ էր դա. երկրաշարժի փոշի՞, թե՞ խտացած անեծք։ Շիրակի երկինք, որ Անիի ավերակների և վաղնջական շենության արտացույցն է ներառել իր ծալքերի մեջ։ Ազահ, անշնորհակալ երկինք։ Քի՞չ էինք աղոթել։ Ասա՛ փոխարենն ի՞նչ էիր տվել մեզ, որ ետ առնել չէիր կարողանում. հո՞ղ՝ լեռներ, դաշտեր, անտառներ... ջո՞ւր՝ գետեր, լճեր, ծովեր... Թե տվել էիր՝ արնախում ու անկուշտ թշնամիներին աչքը լույս։ Էլ ի՞նչ էիր տվել, որ ետ առնել չէիր կարողանում. քանքա՞ր, հարատևո՞ւմ... Է՛, թքած, եթե այս գնով է՛ արյամբ ես մարում պարտմուրհակդ։ Այո՛, թքած, քանզի արդեն սարսափում եմ ինձ վրա տապանաքար դարձող իմ իսկ խոնարհությունից։ Դե ասա. ի՞նչ էիր տվել մեզ, որ ուրացանք։ Իսկ հիմա ծյուն է գալիս։ Հիմա ծյուն է նստում Լենինականի, Սպիտակի, Կիրովականի, Ստեփանավանի, Արթիկի վրա։ Չյուն է նստում Ջաջուռ գյուղի վրա և Մինասի երիցս խաչված կտավներից արյուն է բխում առ ի քեզ. էլ ո՞ր աստծո ջրաղացին ջուր տանք՝ մեր աղունի ալյուրից էլ ուրախության ճերմակ հաց թխվի, էլ ո՞ւմ դուռը ծեծենք, որ մեզ անշահ ներս առնեն, էլ ո՞ր դրախտին հաճոյանանք՝ մեր մանուկները թը՛ռնելով տուն գան, և մեր ցավը գեթ մեկ անգամ դավաճանի մեզ։

Տարօրինակ է, որ այսքան ողբի, իրարանցման, արմուկների մեջ էլ կա լռութուն, կոպիտ, քարքարոտ, չմարսվող լռությունը բարձրացող ավերակների և իջնող պատանքների.

Գյումրին չկա, տեղը վերջ է, Ծո, ո՛վ պիտի վրեն սգա...

Եվ ինչպե՞ս եղավ, որ այս տողերը գրվեցին երկրաշարժից 9-10 տարի առաջ։ Այն

ժամանակ, այո, հենց այն ժամանակ, երբ ազգային կողմնորոշիչների ու Գյումրվա համուհոտի ասֆալտապատման վտանգը կար։ Սոսկալի վտանգ ու սարսափ, որ հետագայում 1988 թվականի նախանշան պիտի դառնար։ Եվ դա հատկապես այն ժամանակ էր, երբ «Լայնարձակ է հայրենի երկիրն իմ»-ի փեշերը մանրակրկիտ բարձրացնելով, քոնքոնքալով անցնում էր համահարթեցում կոչված տիրակալության նոր գահ-ֆայտոնը՝ ջրի երես ելնող մանկուրտիզացիայի մունետիկը... Եվ հետո կարծես 1988 չէ ու 451 թիվ էր, 88-ի փետրվար-նոյեմբերյան դարազուլիս մաքառում չէ ու 1918 թվի Անկախության ավետաբեր մայիս էր։ Ազգի օրերը տաքանում էին։ Շեփորածաղիկն էր բացվել։ Բուրում էր... էհ, երևում է՝ մենք իրար լավ չգիտենք. երկինք՝ առաստաղ մարմնի, մեր գոյապաշտությունը բիդի չկանգնե՞ց, ու հող՝ առաստաղ հոգու, մեր անհատնում արյունը քեզ չկշտացրե՞ց։ Ախր այդպես չեն խփում անգամ ստորին, պարտուրացին։ Չէ՛, ես չեմ դժգոհում Աստծուց, աստվածներից։ Պարզապես, երբ Հայկական ժամանակը կանգ առավ 11 անց 41 րոպեի վրա, ես ստույգ գիտեի, թե ինչ են խնդրում, առաջարկում, ի վերջո՞ պահանջում հոգիս բերանս հասած։ Այո՛, ես գիտեի, թե ում և ինչի համար են ելել պարզնակատ ու արքայական։ Եվ այսօր... Ա՛հ, այս ի՞նչ թշնամի էր՝ եկավ ծուռումուռ, պարպկելով, սրտիս նշան բռնած։ Այս ի՞նչ նմադ էր, թե՞ հողը չդիմացավ մեր հին գոյության ծանրությանը։ Ու խրվում ենք։ Եվ խրվում ենք Փոքր Միերին արյունակից ու ժառանգորդ մեր գոյությամբ։

Օրեր անց երևանում զարթնեցի անզուսպ հեկեկալով։ Այդպես չար երազից հետո քնից վեր թռած երեխան է հեկեկում։ Ու սիրտս միառժամանակ դատարկվեց։ Ու ես, որքան էլ զավակն իմ ապերջանիկ ազգի, սակայն կամեցա ապրել։ Ապրել նորեն և ի հեծուկս ալլաիի, որ, ասում են, մեր անհնազանդությունը երկրաշարժով պատժեց։ Կամեցա ապրել հատկապես ի հեծուկս այդ ալլաիի արբանյակների, որ թաքուն ու բացահայտ չարախնդացին, որ ընծայաբեր նամազի չորեցին գոհությամբ։ Եվ այս օրերին, ամեն հայ, պիտի գեթ մեկ անգամ ինձ ու երեխայի պես՝ հեկեկալով, ոտքերը ցած կախի մահճակալից, կիսամերկ նստի ու շարունակի անզուսպ, անկաշկանդ հեկեկալ։ Թե չէ, գիտե՞ք, մեր սրտերը կարող են անգուր, անանց ցավից բռնկվել ու ածխանալ։ Եվ, հավատացեք, այն ժամանակ մեր Աղջկադեմ մոլորակն էլ չի ծաղկի։ Մեր փոքրիկ, կրծած, մաշկած, խաչված Հայաստանը...

Լանք ու սիրենք, ջրատարներս։ Հիմա կասե՞ք՝ բառեր, բառեր, բառեր... Գուցե բառը ոչինչ չարժե։ Համաձայն եմ ոչինչ չարժե։ Սակայն Տունը բառ չէ, երբ իր պատերի ջերմությամբ մանկան ծնունդ է ապահովում։ Հայրենիքը բառ չէ, երբ սահման, զինվոր ու դեսպան ունի։ Եվ այս անգամ էլ մեզ անակնկալի բերած երկրաշար-



Լուսանկարը՝ Հայկ Աղամյանի

ժը մնանապես բառ չէ, երբ քանդում է նույն Տունը և ճակատագրից զրկում այդ տան ծնունդ մանկանը, երբ գերեզմանոցների է վերածում այդ նույն Հայրենիքը։ Եվ իբրև իմ՝ ապրողիս ողբասացության սկզբի վերջ, ասեմ՝ Հայրենիքը բառ է լոկ այն ժամանակ, երբ հատկապես գիտակցաբար տրորում են նրա բաց վերքը։ Եվ երկրաշարժն էլ է բառ, երբ այն աշխարհի առաջ են գցում՝ նույն վերքը կտցելու մարտահրավերով։

Տեսնես ե՞րբ էր. ժողովուրդն Անի քաղաքս ողբաց.

Անին չեն, աշխարհս ավեր, Աշխարհս չեն, Անին ավեր...

Ու հանկարծ, շատ հետո, չգիտեմ էլ, թե քանի դար հետո, հնչեց ուրիշ մի ողբ, եկավ ուրիշ մի ձայն և կանխազգացման սարսուռով արտաբերեց. «Ծո, ո՛վ պիտի վրեն սգա...»։ Բայց ես ուզում եմ ասել, որ սգացող մնաց, բանաստեղծ Արա Արթյան։ Ապրող էլ մնաց, ջրատա՛ր ախպերս։ Ուղղակի ապրելու սիրտ չմնաց։ Սրտին բաբախելու տեղ չմնաց, որ ինքն իրեն բաբախելով մխիթարի, բաբախելով սպիանա։

Արդեն 60 օր է ես մլուխ եմ տալիս ավերակների շուրջ։ Անզոր կանգնած դոփում եմ այն ամայությունը, որտեղ աղետաբեր չորեքշաբթվանից առաջ վեր էին խոյանում կամ արդեն խոյացած էին մեր ժամանակի նվաճումներին հավատարիմ-շուն կառույցները, և ոչ մի կերպ գլուխս չի մտնում երկրաշարժ բառի իմաստը։ Տեր իմ, ի՞նչ անեմ, ո՞ւմ դիմեմ։ Գլուխս առած՝ ո՞ր չքվեմ, որ այդ բառն ինձ հանգիստ թողնի, կամ ես հասկանամ, թե վերջապես ինչ է ասել դա... Լենինականում մնացած հատուկենտ երեխաներն ահա այսպիսի խաղ են հնարել. հավաքվում են մի տեղ, գլուխ գլխի, քիթ քիթ կպցրած քչիչում ուրիշ՝ անկապ բաներ, և հանկարծ նրանցից մեկը, որ նախնական պայքարում վաստակել է այդ իրավունքը, սաստիկ բարձր ձայնով բղավում է՝ ԺԱԺԹ...

Ու սարսափած, խելագար ցատկում են հեռու, բոլորն ահով նետվում են հեռու։ Հեռու՝ ընդհուպ մինչև այն օրերը, երբ իրար ձեռք ու փեշ բռնած, շարվեշարան անցնում էին բակերով ու զիլ կանչում.

-Ղարաբաղը մերն է, բայց թյուրքերի ձեռն է, պապան գնաց ցույցի, որ ապա-

ցուցի...

Արդյոք այս բեռնումներից չի՞ ծագում **երկրաշարժ** բառի բանաձևը՝ հաղագս անհավանականության տեսությամբ:

Ու ես մտա Լենինական:

Հին, ծանոթ, զվարթ, ծեսով քաղաք: Ծանոթ, դժվար, բարի, լեզվամի քաղաք, որտեղ հիմա ժամանակը կանգնած է՝ ինչպես սիրտն է գահավեժ կանգնում հանկարծ: Բայց եկեք պայմանավորվենք այսպես. այո՛, անշուշտ, ես պատմելու եմ անհավանականի մասին: Ես պարտավոր եմ դա անել: Հիմա պատմելն իմ խաչն է: Որտեղ իմ խոսքի և ձեր պատկեր-

րացումների վերելքն անտանելի կդառնա, ու սաստիկ կցավեն ձեր սրտերը, խնդրում եմ, համարեք, որ այդ անաստված ցավը խախտված, փչացած երևակայության մեղքով է ձեզ տրվում: Նաև խնդրում եմ, որ դուք ուժեղ լինեք, արի՛ լինեք, քանզի, ինչպես արդեն հասկացաք, դժվար է այս՝ անհավանականության գազաթ բարձրացող սուրսայր խոսքի ճամփան: Միասին, գլխարկներս հանած, խոնարհ, ոտաբոբիկ անցնենք սառած, վառվող այդ ճամփան: Անշուշտ անցնենք՝ խլացնելով մեր սրտերի պայթյունը, քանզի մեջող մանուկներ

կան Լոռվա ու Շիրակի գերեզմանոցներում: Արքայամանուկներ: Արքայադուստրեր...

Երկի հիշեցիք Տեղյանին:

Մի՞թե ես պիտի երգեմ քեզ օրոր, Եվ արքայական դնեմ գերեզման...

Ու մույն ճամփան մորից խրվում, մխրձվում է առաջ, անկանգ առաջ: Ու կեռեր, կեռեր: Սուրսայր կեռերը ժամանակի և գոյության: Ու ներս տնքում է ատելության ծանրությունից: Ու գոյանում է ինչ-որ բանի դեմ, այդ ինչ-որ բանին ընդդեմ ելնելու ծանր ալիքը, որ վաղուց արդեն իններորդ է հռչակված: Հե-

տո, ահա, շենքերի տեղը ավլած, սրբած է: Հարթ, ամայի՝ կարծես շենքերը մեկնել են քաղաքից: Կարծես շենքերի զորահավաք է եղել հեռու մի զորակայանում: Հեռու, անտես մի բանակատեղիում, ուր մեկնած շենքերն ուղիղ գծով, կողք կողքի և զգաստ շարվել են. փլվելու վարժություններից առաջ և հետո, լինելուց առաջ և հետո՝ ցկյանս: 10.01.89 թվի արևոտ կեսօրին անցանք քաղաքի այն թաղամասերով, որ նախկինում արդեն չորեքշաբթվանից այս կողմ, ես չէի եղել: Հի էլ ուզում լինել: Ու գնացի: Այո՛, ի՞նչ արած, գնացի, որ մարդ կոչվածիս փոքրությունը

տեսնեմ: Եվ գնացի, որ փոքրությունս ողբամ, այս ժամանակների ծնունդ լինելու ողբամ, թեև մի երկու ամիս առաջ այլ էի՝ հպարտ էի մեր գոյության առեղծվածին մերձ լինելու բախտիս համար: Բայց գնացի, որ ծնկներս ծեծեմ, քանզի սկզբում բոլորը միայն այդ էին կարողանում անել...

Հե՛յ, հայորդի՛, ողբացի՛ր: Ուրեմն ել: Սրբի՛ր արցունքներդ: Թափ տուր ծնկներիդ փոշին: Ուղղի՛ր մեջքդ: Եվ ձի՛գ տուր՝ Ձանգակատան պարանը ձգի՛ր, հե՛յ Տիգրան Մեծի Ջարմ:

Երևան, 1989

Մեր յուրաքանչյուր
պսակ
վկայություն է...

Վ. Թ.

Վահան Թամարյանի «Գոյության առեղծվածին մերձ» խոհագրությունը՝ գրված 1988 թ. դեկտեմբերի երկրաշարժից անմիջապես հետո, գրական-մշակութաբանական առումով ոչ միայն անհատական վկայություն է, այլև հանրային հիշողության գրական դրսևորում: Գյումրին (նախկին՝ Լենինական) այստեղ հանդես է գալիս ոչ թե պարզապես աշխարհագրական տարածք, այլ որպես հայի ճակատագրի խորհրդանիշ, որով ընթերցվում, բացահայտվում է ոչ միայն աղետի իրականությունը, այլև ամբողջ ազգային պատմության ժառանգությունը:

Ուշագրավ դրսևորումներ է ստանում ողբերգությունների, տապալման գրքերի, բանահյուսական տեքստերի ավանդույթը, որտեղ քաղաքը պատկերված է որ-

պես տառապող և աղետ ապրող կերպար, կենդանի էակ, որի մարմինը վերածվել է բաց և անդադար մխացող վերքի:

Գրական կապը անցյալի հետ (Անի, Կարս, Վան) արտահայտվում է ողբերգությունների հավերժական կրկնության գաղափարով:

«Շիրակի երկինք, որ Անիի ավերակների և վաղմջական շենքերի արտացոլքն է ներառել իր ծալքերի մեջ»:

Այսպիսով, Գյումրու կերպարը ներառվում է պատմական շարունակականության մեջ՝ դառնալով այնպիսի քաղաք, որ միաժամանակ և՛ զոհ է, և՛ հիշողության կրող: Գյումրին դիմադրության քաղաք է. մույնիսկ ավերակների մեջ մշակույթը (հումորը, խոսքը, ավանդույթները) պահպանվում է՝ վերածվելով մնացորդային, բայց անխզելի ինքնության:

Սրանով հանդերձ՝ Թամարյանի արձակը առանձնանում է ոճական բազմաշերտությամբ՝ համադրելով փաստագրական նկարագրությունը, բանաստեղ-

ծական պատկերավորությունը և պաթետիկ հնչերանգը: Օրինակ՝ քաղաքը ներկայացվում է որպես կենդանի օրգանիզմ, որի մարմնի վրա բացված է վերք: «Գյումրին չկա, տեղը վերք է»:

Հեղինակ-վավերագրողը օգտագործում է նաև հզոր, անսպասելի, գերսրված զգացողություններ արտահայտող մետաֆորներ, որոնք ընդգծում են ոչ միայն ավերածության մասշտաբները, այլև նրա հոգևոր հետևանքները:

«Քաղաքի վրա ծնկած երկնքում սևն էր: Անթափանց, դավադիր խավար: Ի՞նչ էր դա. երկրաշարժի փոշի՞, թե՞ խտացած անեծք»:

Այսպիսի պատկերներով քաղաքը վերածվում է ոչ թե ֆիզիկական ավերակի, այլ միաժամանակ նյութական ու մետաֆիզիկական ողբերգության խորհրդանիշի, որով ավելի ակներև են ուրվագծվում Գյումրու կերպարակերտման առանձնահատկությունները:

1. Քաղաք-վերք. Աղետից հետո Գյումրին ներկայացվում է որպես

անբուժելի վերք, որը բաց է մնում ինչպես հողի, այնպես էլ ժողովրդի հիշողության մեջ:

2. Քաղաք-հուշարձան. Ամբողջ տարածքը նկարագրվում է որպես գերեզմանոց, որտեղ տապալմաքար է դառնում մույնիսկ փլատակված տների հիմքը:

«Այո՛, քրած, քանզի արդեն սարսափում եմ ինձ վրա տապալմաքար դարձող իմ իսկ խոնարհությունից»:

3. Հեղինակը նկարագրում է քաղաքը՝ որպես քաղաք-սովեր կամ քաղաք- ուրվական՝ անհետացող, բայց ներկա հիշողության և գրականության մեջ:

«Կարծես շենքերի զորահավաք է եղել հեռու մի զորակայանում»:

4. Քաղաք-ազգային խորհրդանիշ. Լենինականը դառնում է հայ ժողովրդի գոյության մետաֆոր. ինչպես քաղաքը, այնպես էլ ժողովուրդը ստիպված է գոյատևել ավերակների վրա:

Թամարյանի արձակը միահյուսվում է հայ գրական ավանդույթին: Այն հիշեցնում է թե՛ Ավ. Իսահակյանին. բանաստեղծը

տևականորեն վերապրում է ժողովրդի պատմական ու սոցիալական ծանր վիճակը, թե՛ Վահան Տեղյանի մուրբ ու հուզական պատկերները:

«Մի՞թե ես պիտի երգեմ քեզ օրոր //Եվ արքայական դնեմ գերեզման»:

Այս կերպ, Գյումրին դառնում է հայ գրականության հոգևոր մայրաքաղաքներից մեկը, որտեղ ցավը, կորուստը և հիշողությունը վերածվում են ազգային ինքնության անբաժան մասի:

Վահան Թամարյանի «Գոյության առեղծվածին մերձ» արձակում Գյումրի-Լենինականը հանդես է գալիս որպես մետաֆորային և խորհրդանշական քաղաք, որը միաժամանակ և՛ իրականություն է, և՛ առասպել: Այն պատմության շարունակվող ողբերգության մարմնավորումն է, որից սակայն բխում է նաև ապրելու և դիմակայելու գերակա մղումը:

Ռոզա
ՀՈՎՀԱՆՆԻՍՅԱՆ



ԼԻԼԻԻ
ՄԿՐՏԶՅԱՆ

1988, 1992, 1994...2014, 2016, 2020, 2023...

Ու դեռ 52 տարեկան...

-Դպրոցում լա՞վ եք սովորել:

-Շկոլո՞ւմը: Շկոլը կռվեն վախտն ըմ պրծալ՝ պատրոն ըմ իլալ հվթելիս:

-Իսկ մասնագիտություն՞ը՝ ինչ-որ տեղ սովորեցի՞ք:

-Ա՛ հի՞նչ մասնագիտություն: Լյավ կրակ տալիս ըմ իլալ, ափսոս, տեխնիկա չի իլալ, վեր քշեի:

Պռավաս տանկը քշելավ ըմ ստա-ցալ:

-Ինչո՞վ էիք զբաղվում, երբ արդեն ամուսնացաք:

-Հը՛... խոխորցը ծնունդներից պոստան քշնալիս ըմ իլալ տոն, մին քանի գունավոր նկար ծեր-քիս մորից պիցրնալիս պոստերը: Թա բախտերս պերեր մեր ծնունդ-ներն էլ կնշեինք, իսկ եթե բախտ-ներս պերեր վե՛ջ ծառայակից հիմ-գերներս մեր երկնային ծնունդը կնշեին:

-Հիմա ինչո՞վ եք զբաղվում:

-Մերելի գործ ըմ սվերում:

Լավ մասնագիտություն է, հնարավորություն կտա ապրուստ գտնելու:

-Հինգիդամ է: Առաջին օրը քեցի, տեսի դազաղ ըմ սարքում:

Տուրս եկավ:

-Դազա՞ղ, ո՞ւմ համար:

-Ա՛, չէ մատաղ: Մարդու հետի չար, եկեղեցական տոնի հետի ար: Բայց մի տեսակ մեջս միտավ, ուզեցի էս գործով զբաղվիմ: Վեր սկսում ըմ գործ անելը, հերթավ հնգերներս ըմ հիշում, թա հյուր ըմ առանց դազաղ թաղալ... պապուս հանգիստը... տղորանցը... Լոխճին: Սրտանց ըմ սարքում, սաղ դարդ ու ցավս մեջին ըմ տեղավորում: Իմ ու քու արև, էս գործը՝ հոգեբանից ավելի ա օգուտ տվալ ինձ:

-Ինչի՞ համար եք ափսոսում:

-Հինգիդամ, մատաղ ինձ: Կնե-րիս, վեր մեր լուզվավն ըմ խոսում, բայց էդա իմս: Ափսոսում ըմ, վեր Արցախը կրացալ չըմ միտս

պերիմ:

-Չէ՛, ավելի անձնական, ընտանեկան առօրյայում:

-Սրտիս դարդ ա տեռալ, վեր էն շան տղի յոա էդքան խոսալ ըմ:

Ցույց տալով փոքր տղային:

-Կռվից երկու ամիս առաջ ար, թոփավը քացի-քացի ար անում, տվից՝ ակուշկին շուշան ճարթից:

Թակալ չըմ, բայց լավ ճղճղացալ ըմ յոան, մին խիլա լաց ա իլալ, շան լակուտը: Ա՛, վեր գիդայի վերջը ստի ար տռնելով, ես էլ միտը սաղ շուշեքը կփշրեի:

-Իսկ կենդանիներ ունեի՞ք:

-Ամեն հինչ էլ իլալ ա՝ տավար էլ, խոզ էլ, ծի էլ, շոն էլ: Կյալան առաջ մղակը պեց ըմ ըրալ, լոխ-ծին թողալ քինամ: Բայց տուգի-կը... տուգիկին աչքերը կարում չըմ մննաս քցիմ: Ասում ըմ հեյվան ա, դե հինչ ըրած, բայց մին ա, տրան աչքերը, հիասթափություն-ը, վախը: Գիդում ըմ, վեր ներե-լով չի ինձ: Ես ինքս էլ ինձ ներե-լով չըմ:

-Բլուկադային ո՞նց էիք դիմա-նում:

-Տեմ կնալիս ընք լի իլալ: Միենգ, վեր ըսեինք քինա ծեր տոն, բայց էլի բլուկադայա իման, չքջոք կքիայի: Շենումը հեշտ ար՝ ապրուստը տանամ ար: Մեսը կար, մնացածն էլ մին ձկի ճրելիս ընք իլալ: Վերջին շաբաթն ար, մի հափուռ մակառն ար մնացալ, հարթը սարքալ ար, խոխորցը ըռչին տիրալ: Եշում ըմ, տեսնում ճկճկի ընելով ըմ օտում: Միմ էլ տեսնամ՝ մեջին սև կետեր կան:

Ավելի մոտիկից յեշեցի, տեսնամ կուճիր կուճիր պղոճներ կան մեջին: Հինգ ամիս հարթընդ պահալ ա շկաֆին աչքումը՝ վրթնկալալ ալ, բայց մին ա լի, կերալ ըմ:

-Հիշո՞ւմ եք տան դասավորու-

յունը, թե՞ արդեն մշուշվում է:

-Հիշում ըմ: Իմ արև, սպասում

ըմ, թա հիբ ա մթնելով, վեր քոն

ինիմ, քինամ մեր տոն: Ամեն օր

վենավ շենավը շոռ ըմ տամ: Ամեն

քարի, թփի յեշում ըմ, վենավ

պիցրանում ըմ մեր տոն, հայաթին

մղակը պեց անում, մի մտնում:

Բոստանավը շոռ ըմ կյամ, հեյ-

վանին խոտ տամ, բոստանին

շլանգին ճյուղը կամացացնում,

նստում ծառին տակին մին սի-

զարետ քաշում: Հետո քինամ ըմ

երկու խնձոր պուք տամ, շավկա-

րիս յոա սիրվում օտում: Նստում

ըմ քարին ու յեշում, հունց ա բա-

բոս լոբի հնդրում: Հարթը կոֆե

ա պերում, մորից սիզարետ ըմ

միացնում: Նի ըմ մտնում տոն:

Դամաշիկներս կենում, քինում

դիվանին պառնում: Խոխերը

պուլտը տամ ըմ, տեկելը խոսում

ա: Քարոզարշավ: Մերիալ: Կան-

ցերտ: Մուլտիկ: Մի քանի ճանհի

տզոց: Կուճիր ստոլիկ, վագով

ճողոպուր, խորյագի հոտ: Խոխոց

խաղ: Լազաթ: Միմակ Տուգիկը

չկա:

-Ի՞նչ եք մտածում, այսքանից

հետո ո՞նց շարունակել ապրել:

-Հինգիդամ: Ասում ըմ 52-ը

շատ հեռու չի վերջան, կարող ա

հսցնիմ առանց կռվե ծերանամ:

Զնայած...



Արիս ՀԱՅՐԱՊԵՏՅԱՆ ՎԵՐԱԳԱՐԶ

Արևն աշխարհի եզրերից ցուլե-
րը մեկտեղել և երկնքի կապույտ
կոպերի արանքից ջերմացնում է
հողը: Ես հայացքս առանց շեղե-
լու հիանում եմ Մասիսի պայծառ
ժպիտով, որն ավելի հրապուրիչ է
դարձել արևի շողքերի սիրախա-
ղից: Փորձում եմ վերհիշել՝ ով էր
ձվարթնոցի տեղն ընտրել: Ամեն
թռչնից հայացքիդ մեջ դաջվում
են մշուշի մեջ ծփացող մի քաղաք
և կարոտն աչքերում խեղդող մի
Մասիս:

-Տաքսի պե՞տք է,-ականայից
ուշադրությունս շեղեց չսափո-
ված մի երիտասարդ:

Պատասխանը մնաց շուրթե-
րիս, երբ նույն խոսքերը լսեցի մեկ
ուրիշի բերանից: Հարցերի տա-
րափը դադարեց, և երկու նուրբ
ծեռքեր, պարանոցիս փաթաթվե-
լով, խեղդելու աստիճան գրկեցին
իմ: Դեմքս սկսեց թռչվել աչքե-
րիս հուզմունքից:

-Բարի՛ գալուստ, պապի՛:
Տարիների կուտակված կա-
րոտը ալեկոծեց ներաշխարհս:
Գանգրահեր ձագուկս կերպարա-
նափոխված, հասուն աղջկա կեց-
վածքով կանգնած էր դիմացս:

Տասնամյակից ավելի դադար և
վերադարձ: Ես փորձում էի հաս-
կանալ՝ ի՞նչ էի կորցրել, թեև մի
բան պարզ էր՝ Հայաստանում
դու միշտ դիմավորող ունես: Իմ
վերադարձը վերածննդի պես մի
բան էր:

Մինչ մեքենան, արագություն
հավաքած, ընթանում է, ես բաց
պատուհանից հաճույքով վայե-
լում եմ ընթացքից դեմքիս հպվող
քամու հարվածները: Գարունը
կոտրել է բոլոր դարպասները.
խտացած քաղաքի մեջ թույլ հնչե-
ղությանմբ տարածվում է գարնան
սիրո էլեգիան: Շենքերն իրար
զգիջող ընթանարտիկի կեցված-
քով՝ ձեռքերը մեկնած, խցկվել
էին իրար մեջ: Մայրերի եզրերին
մնացած հատուկենտ ծառերը շո-

ղում էին սպիտակ հանդերձան-
քով:

-Այստեղ քաղաքապետարանի
ծեռքը դեռ չի կապել, իսկ սրանք
սակուրաներ են՝ նոր Հայաստա-
նի խորհրդանիշը,-մատնացույց
անելով դիմացի մայթի վարդա-
գույն ծաղիկներով ծառերը՝ ու-
շադրությունս շեղեց Արփիս:

Նոր Հայաստա՞ն,-գարնացա
ես:

-Էհ, պապի՛, ամեն ինչ այնքան
ուրիշ է իմնա: Ժամանակի հետ
հայի գեներ էլ է «փոխվել»: Մարդ-
կանց կեսը Ամերիկա է գնում,
մյուս կեսը՝ Եվրոպա, մի զանգ-
ված գոռում է՝ դեմ է ռուսակա-
նացմանը: Մնացածը՝ նախկին ու
ներկա:

-Եվրոպայի հարդարված
փողոցները, իրենց կեցված-
քով խիստ տարբերվող մարդիկ,
որոնք բացօթյա սրճարաններում
ննջում են սուրճի բաժակի շուրջ,
խորը դեկոլտեով կանայք, որոնց
կիսաբաց որովայնը ոսկու փայլ
ունի, մեր խառնվածքի համար
չափազանց օտար են: Գուցե ես
էի ծեր Եվրոպայի համար:

-Ասում են՝ այնտեղ ազատույթ-
յուն աս:

-Ինչի՞ ազատություն: Այնտեղ
անտարբերություն կա:

-Ժամանակները փոխվել են,
հարազատս: Իմ միտքը քեզ խորթ
է: Մարդիկ պարզապես ուզում են
վայելել կյանքը՝ փաթերում լից-
քաթափվել, գինովանալ, փողո-
ցում ճեմել՝ հարդարված տեսքով:
Կյանքի սահմանափակումներին
«ոչ» ասել, չտառապել հարևանի
կարծիքի համար: Եվ սա ընդա-
մենը մտքիս անկյունում ծվարած
ճշմարտության մի մասն է:

Արփիի խոսքերից միտքս սառել
էր, ես սկսում էի կասկածել՝ արդ-
յո՞ք Հայաստանում են: Մի պահ
լուռ էի, բայց ներսումս բորբոք-
ված մի կրակ այրում էր հոգիս:

-Մենք՝ հայերս, շարունակ բողո-
քում ենք իրականությունից, բայց
այս երիտասարդը «Տեսլա» է վա-
րում:

-«Տեսլա» վարելու համար
պարտադիր չէ հարուստ լինել,-
ժպիտով խոսքս եզրափակեց Ար-
փին:

Ես լռեցի, քանզի այդպես էլ
չհասկացա՝ ո՞րն է հարստության
չափը: Մեքենան, անասելի արա-
գությանմբ անտեսելով արագա-
չափերն ու փոսերը, ծանրացող
օրվա մեջ թողեց բաց պատշ-
գամբներից փողոցը զննող, մետ-
րոյի գետնանցումներում հա-
յացքները ժամացույցին սևեռած,
սրճարաններում մեկ բաժակ
էսպրեսո կամ գարեջուր խմող
երևանյան հասարակությանը:
Քաղաքից դուրս այլ աշխարհ էր:
Ծաղկած ծիրաններին՝ նորա-
հարսի տեսքով, փողոցի եզրին

իրարից խռով, գլուխները կախ
լույսի լապտերներ՝ արագիլի բնե-
րով զարդարված: Ես կանգնեցրել
էի մեքենան և կորցրած հարազա-
տի ջերմությանմբ դողացող ձեռքե-
րով գուրգուրում էի հողն ու ազա-
հորեն խմում ցայտաղբյուրից
շատրվանող սառը ջուրը:

-Ա՛խ այս երկիրը...- և խոսքը
մնաց բերանումս:

-Քո աչքերից արցունքի փոխա-
րեն կարոտ է կաթում, բայց եթե
ասեմ Մասիսը, Սիփանը կամ Նեմ-
րուքը քողարկիր հոգուդ ամրո-
ցում, չնեղվես, -գլուխն ուսիս
խոնարհելով՝ միտքս ընդհատեց
Արփին:

-Այստեղ չկա անցյալին վերա-
դարձ, կա մի Երևան, իսկ Երևանի
մեջ՝ մի Հայաստան:

-Իսկ մնացա՞ծը, Արփի՛:

-Մնացածը մնացած է: Հեղափո-
խությունից հետո մարդիկ սկսե-
ցին սնվել այլ գաղափարներով ու
արժեքներով: Բայց պատերազ-

մի բոցը մշուշի մեջ քողարկեց
հասարակությանը: Հիմա ամեն
խոսքի մեջ վիշտ կա, ատելութ-
յուն, ցավի մեջ մեռնող պայքարի
հույս: Սոված գայլի հոգեբանույթ-
յամբ հասարակության մեջ ոռ-
նում է մեկ գաղափար:

-«Մենք խաղաղություն ենք ու-
զում»: Սա մերօրյա Հայաստանի
զարգացման մոդելն է: Արփիի
խոսքերը խեղդում էին կոկորդս:
Ես՝ կարոտաբաղձ նվաստս, քիչ
էր մնում փոշմանել վերադարձիս
համար: Երբեք չտեսած, չլսած մի
երևույթ: Մի բուռ երկիր, բռիղ մեջ
տրոփող մի սիրտ՝ տարբեր գույ-
ներով: Այլալված, ցամաքած մի
սիրտ, որից սնվում է մի ամբողջ
ազգ, իսկ մենք նորից քայլում
ենք այդ սրտի վրայով՝ սպանե-
լու նրա ապրեցնող ջիղը: Մինչ
մենք շարունակում էինք ինձ հա-
րազատ, լքված, բայց չմոռացվող
ճամփան, կոտրելով հոգեսպան
լռությունը՝ ես սկսեցի մտքիս
ազատություն տալ:

-Իսկ ո՞վ է խելագարվում պա-
տերազմի համար, ո՞վ է գիշերն
անքուն լուսացնում, որպեսզի
շնչի վառողի հոտը: Գուցե դուք՝
երիտասարդ:

Վարորդը, դեկը ձեռքերի մեջ
սեղմած, դժգոհ հայացքով հայե-
լու միջից ինձ էր նայում: Ցասում,
գուցե ատելություն, ինչ-որ բան
հաստատ ծնվեց կամ արթնացավ
նրա ներսում:

-Կարոտ, անբավարար, գու-
ցե կեղեքող, սպանող կարոտ:
Կապ չունի հաջորդականությու-
նը, բայց հաստատ դրանցից մե-
կը դեռ ապրում էր իմ ներսում:
Թուլացած մաշկիս տակ տրո-
փող, կծկված սրտիս մեջ ինչպես
արյան ճնշում այն տանջում էր
իմ: Եվ հենց սա էր իմ ու ներկա
սերնդի տարբերությունը: Բարձ-

րածայնե՞լ, թե՞...

-Հորիզոնի ճոխության մեջ
փառաբանվող, արեգակի նոսրա-
ցող ցուլքերի տակ ձգվում էր իմ
ճամփան: Ես անհագուրդ տեն-
չանքով հայացքս մխրճել էի ամեն
թվացյալ շարժի մեջ: Հիշողութ-
յունն իր սուր հոտով տարածվում
էր շուրջս: Լեռների մեջ ծվարած
այս փոքր երկիրը, մերկ սարերը,
որոնք նոր էին սկսել հանդերձան-
քով զուգվել, ձեռքերը պարզած
կանչում էին:

-Ուշադիր նայիր այս բար-
ձունքներին, մինչ դու հիանում ես
նրանց սրագագաթ կեցվածքով,
լեռների տակ ծվարած գյուղերը
դառնում են համայնք՝ ծերացող,
նոսրացող: Տների պատուհաննե-
րը խամրում են կարոտից, սպա-
սումից: Ամեն տան շեմքին կամ
պատուհանի դիմաց ծերացած մի
հայացք մթնում ու լուսացնում է
սպասումով, բայց...

-Քաղաքի պերճությունը գյուղի
զավակներին գամել է իր լուսա-
վոր սրճարաններին: Մենք հեռա-
նում ենք մեր արժեքներից: Հեղա-
փոխությունը խժռեց իր զավակ-
ներին, մի ակնթարթում ջնջեց քո
հիշատակած՝ ավանդույթները,
ինչպես և իր գաղափարները: Մեզ
մնացել են արցունքի չափ մի հայ-
րենիք և օտարամոլության տեն-
դով հիվանդ մի հասարակություն:
Ո՛չ ժողովուրդ:

Իրականությունից մեղված
Արփին ճնշող առողանությանմբ
այսպես ջանում էր հանգստաց-
նել բորբոքված սրտի բռնկված
կրակը, երբ չնկատելով ժամա-
նակի ընթացքը, զգացիմք՝ ինչ-
պես մեքենան, անցնելով կամր-
ջի վրայով, հաղթահարեց թեթև
պատմեշն ու կախվեց ճանապար-
հի երկու կողմում փռված գյու-
ղի շնչին: Տարիների ականը մի
ակնթարթում պայթեց: Արցունք-
ներն առանց հապաղելու սկսե-
ցին հոսել կնճռուտված դեմքիս
ակոսների միջով, ծանրացած
ոտքերս հաստատուն կեցված-
քով, արհամարհելով կռացած
մեջքիս ցավերը՝ կանգնեցին հո-
ղին: Հողն օտար չէր, իսկույն
ճանաչեց իր օտարացած զավա-
կին և սկսեց ջերմացնել ոտքերս:
Տարիների շարունակ ես իմ ներ-
սում այս օրվա լույսն էի պահել՝
այս բերկրանքը նորից ապրելու
համար: Ծովի հայելուն բնորոշ
կերպարանքով սարահարթի գյու-
ղը ծփում էր մայրամուտի ներքո:
Մամռտ քարերը կերպարանա-
փոխվում էին: Օդում մի տեսակ
ուրիշ հոտ կար՝ խոնավության,
հողի, արեցունմի ու կյանքի:

-Սա իմ Հայաստանն է, իմ
տունն է, իմ սիրտը, Արփի, -խե-
լագարի պես հուզմունքից գոռում
էի ես:

Շենքերի տանիքներին փայլող

արևային տաքացուցիչները մի
տեսակ խորթ էին ինձ: Ժամանա-
կի հետ գյուղը փոխվել էր, բայց
մեր տուն տանող ոլոր ճամփան,
իրար քթի կպած խաչաձև բա-
ղանները, մեր տան շքամուտքը
նույնն էին, ինչպես երեկ և տասը
տարի առաջ: Սեզը ընդարձակ-
վելով հասել էր հարևան փողոց,
ծառերը կանաչ էին, բայց ամխ-
նամ: Քանի տարի էր՝ մեր երդիկի
ծուխը չէր ողջագուրվում երկնքի
գրկում: Արփիի ասած լքված գյու-
ղերը եկան աչքիս առաջ: Ներ-
քուստ ես զգում էի, որ մեզ իրար
կապող միայն մեր մեռելներն են
մնացել:

-Նայիր, հարևանի տան պա-
տուհանից էլ լույսի շողք չի թա-
փանցում: Երբ երեխա էինք, գյու-
ղը պայթում էր կյանքի առատութ-
յունից: Թոմրի ծուխը գալարվե-
լով երկինք էր հասնում, և լավաշի
բույրից արբում էր սոված մար-
մինը: Կին թե տղամարդ հողի
մարգերի մեջ քրտինք էր թափում:
Ես գյուղում չեմ ապրել, բայց խո-
պան հողերը աղետ են երկրի հա-
մար: Հողն ապրում է՝ մարդուն
ապրեցնում:

Արփիի իմաստությունից հիա-
ցած ես հուզված մատներիս շար-
ժումով շոշափում էի տան հնա-
մաշ պատերն ու մանկությանս
շունչն առնում:

-Եթե պատերազմները քաղաքի
էկրաններին էին իրենց արձագա-
քը թողնում, գյուղում ամեն տուն
իր դռան հետևում ապրում է պա-
տերազմով: Հայրենիքը բարձրա-
նում է գյուղի ամրության վրա: Շի-
նականն է կերտում երկրի դեմքը:

Առավոտյան շրջիր գյուղում և
հատուկենտ մարդկանց ծառերից
կախված գերանդի կաղտնա, գու-
ցե և չգտնես: Ողջ գյուղում մի նա-
խիր ու մի ոչխարի սուրու են սար
բարձրանում: Շատերի այգիներն
ու բոստանները մոլախոտը կերել
է: Դարիք Կարոն, Լևոնենց Հեն-
դոն, մեղվապահ Մացմալի տղեքը
էլ չկան: Դու գուցե ավագ սերնդի
վերջին մոհիկանն ես: Մեր ներ-
կայի վրա մի ծանր քար գլորվել և
ճգնում է մեզ: Իսկ մե՞նք...

-Հոգուս մեջ մի իմն երգ կարո-
տի նման թմնջում էր: Հոգնած
կոպերիցս բափվող արցունքները
երախտագիտության ծափողջ-
յուններ էին հղում կյանքին:

Իմ վերադարձը բառերով չնկա-
րագրվող երջանկություն է, ես լուռ
կքայլեմ այս լքված տան այգում,
ամեն օր կնստեմ մի ծերացած
ծառի շվաքին, մինչև մահվան
հրեշտակը կնտնի գյուղ, դանդաղ
կշրջի փոսերով լեցուն փողոց-
ներով, թաղից թաղ, կիսանի իմ
տան շեմին: Իսկ ես լուռ, աչքերս
կկոցած կուլ կտամ ծխախոտի
վերջին ծուխը՝ իբր չնկատելով
նրա սուր, ծակող հայացքը...

ՈԱԶՄԻԿ ԴԱՎՈՅԱՆ-85.

ՀԱՄԱՀԱՅԿԱԿԱՆ ԳԻՏԱԺՈՂՈՎ ԵՊԶ-ՈՒՄ

2025 թվականը հորեյանա-
կան է Ռազմիկ Դավոյանի հա-
մար: Տարեսկզբից նրա ստեղ-
ծագործական, հասարակական
գործունեությանը, գրական ժա-
ռանգությանը անդրադառնալու
լավագույն հնարավորությունն
է տրված: Նախատեսված մեծ և
փոքր միջոցառումների շարքում
կարևոր նշանակություն ունեցավ
«Համազգային» հայ կրթական և
մշակութային միության, Երևա-

նի պետական համալսարանի և
ԳԱԱ գրականության ինստիտու-
տի՝ համատեղ կազմակերպած
գիտաժողովը՝ նվիրված Ռազմիկ
Դավոյանի 85-ամյակին:

Գիտաժողովի նպատակն էր
համակողմանիորեն, գիտական
բարձր չափանիշներով արժևորե-
լու Ռազմիկ Դավոյանի գրական
ժառանգությունը և հասարակա-
կան գործունեությունը:

Հոկտեմբերի 10-ին ԵՊՀ-ում
կայացած գիտաժողովը ոչ միայն
բանաստեղծի հիշատակի առջև
խոնարհում էր, այլև ևս մեկ ան-
գամ բանաստեղծի՝ այդքան տա-
րբերվող ձեռագրի արժևորումն էր:
Գիտաժողովին մասնակցում
էին մեկ տասնյակից ավելի գրա-
կանագետներ, լեզվաբաններ,

արվեստաբաններ՝ Ա. Թամրազ-
յան-Դավոյան, Ս. Խանյան, Ա.
Ասատրյան, Դ. Գասպարյան, Ս.
Աբրահամյան, Կ. Մարտիրոս-
յան, Ա. Ասլիբեկյան, Ա. Գալստ-
յան, Դ. Սուքիասյան, Ա. Ափիյան,
Ք. Աբրահամյան, Լ. Դամոյան, Լ.
Արտեմյան, Գ. Օհանջանյան:
Ձեկուցումների ընդգրկած թե-
մաները նույնպես բազմազան
էին՝ հեղինակի պոեզիայի, գրա-
պատմական նշանակության,
«Ռեքվիեմ» պոեմի, վեպի և պիե-
սի, գրողի լեզվի և գեղարվեստի,
տարբեր ժողովածուների, ինչպես
նաև՝ բանաստեղծական տեքս-
տերի մասին՝ մարմնավորված
երաժշտությամբ:

Բացման խոսքում «Համազ-
գային» հայ կրթական և մշակու-

թային միության Հայաստանի
գրասենյակի տնօրեն Ռուզան
Առաքելյանը կարևորեց բանաս-
տեղծի՝ անցյալն ու ներկան կա-
պելու առաքելությունը հայ գրա-
կանության մեջ, Համազգային
հայ կրթական և մշակութային
միության կենտրոնական վար-
չության անդամ Արտաշես Շահ-
բազյանը կարևորեց փաստը, որ
գիտաժողովը Ռազմիկ Դավոյանի
ստեղծագործությունները գիտա-
կան մակարդակով արժևորելու
փորձ է: ԵՊՀ հայ բանասիրութ-
յան ֆակուլտետի դեկան Արշա-
լույս Գալստյանը կարևորեց գրո-
ղի թողած ստեղծագործական
ժառանգությանը անդրադարձի
արդիականությունը նոր սերնդի
համար: Ռազմիկ Դավոյանի գրա-

կան-ստեղծագործական ուղին
ամբողջացրեց կինը՝ Լեզվաբան-
թարգմանչուհի, Լոնդոնի համալ-
սարանի լեզվաբանության դոկ-
տոր Արմինե Թամրազյան-Դավո-
յանը: Նա նաև հանգամանալից
ներկայացրեց հորեյանական
տարվա ընթացքում նախատես-
ված միջոցառումները՝ հետագա
անելիքները:

Գիտաժողովը իսկապես կա-
յացած էր՝ թե՛ զեկուցումների
գիտական բարձր մակարդակի,
թե՛ առաջ քաշված հարցերի և
ընդգրկված թեմաների արդիա-
նության առումով:

Առաջիկայում նախատեսվում է
բոլոր գեկուցումները տպագրել
մեկ ամբողջական ժողովածուով:

ՇԵՏՉԱՇՎԱՐԿ

-Տեսնես որքա՞ն կտևի Աստոծ համբերությունը...
«Աստված Սեր է»,-ասում էր սևազգեստ քահանան,
Ու մենք մտածում էինք, որ սիրո գույնը սևն է.
Հանգցնում էինք սենյակի լույսը,
Արտաշնչում էինք պատուհանի ապակում
Եվ մատով նետահարված սիրտ նկարում
Երկնքի սև ֆոնի վրա...

-Տեսնես որքա՞ն կտևի Աստծոհամբերությունը...
«Աստված ողորմած է»,-ասում էին մեծահասակները
Այս ու այն կողմից,
Ու մենք, ապավինելով նրան,
Որ Աստված մեզ կողորմա ու միշտ կների,
Անտեսեցինք Աստծո բոլոր տասը պատվիրանները,
Աստված սկսեց զայրանալ
Երկրաշարժերի, ցունամիների, հրդեհների...
տեսքով:

Մենք հակադարձեցինք Աստծո զայրույթը՝
Նրա ուղղությամբ հրթիռներ ուղարկելով,
Աստված տարուբերեց գլուխը
Եվ փակեց բոլոր զգայարանները...

-Տեսնես որքա՞ն կտևի Աստծո զայրույթը...
-Աստծո սիրտ է,-ասում էր մայրս.
10... 9... 8... 7... 6...

Ձեփյուռն է այս կողմերն ինձ բերել
(Հարցրու զեփյուռին՝ նա կասի...),
Ես գիտեմ
Այստեղի լեզուն է հավքերեն,
Ջուրը՝ պաղ, և օդն է ամբասիր:

Խոնջացած լուսինն է երբ իջնում,
Երբ այգը բացում է աչքը թաց,
Շշուկով
Լույսերի ծվեններն են խոսում,
Ու սերերն՝ ամենուր թաքնված:

Սիրում եմ այդ պահի տևելը
(Չգիտեմ՝ որքան եմ արժանի...),
Բայց երբ լույսն է փռում
Կարապի թևերը,
Իմ սիրտը երգում է այդ ժամին...

Ես ճանապարհ ընկա,
Երբ դեռ մութ էր,
Վերցրի մորս աղոթքը լույս,
Հորս գոտին բառե՝ պինդ ու ծանր,
Օրհնանք էր ինձ համար
Եվ ուղեցույց:

Էլի մութ է,
Ու ես գնում եմ դեռ,
Խփվող դրոշներ են ոտքերս հողին,
Ամեն մի օր, ասես,
Մի նվաճված բևեռ,
Որտեղ, սակայն, խիղճն է ապրում...
Գաղտագողի:

Ես տեսա սերմերը պատերազմի,
Ես տեսա՝
Ինչպես են թաղում դրանք
հողի մեջ,
Ինչպես են ծիլ տալիս,
Եվ ինչպես են ինքնամոռաց
խնամում,
Որ պտուղ տա,
Եվ պտուղը պայթի՝ քո հողին
ընկնելով:
Քո հողին ընկնելով...

Ես տեսա՝ ինչպես են
ծափահարում հոգեխախտին,
Ով պատերազմի սերմերը պահել էր
Քրտնած ու դողդոջ ձեռքերում
Եվ խաղաղություն էր ոռնում
Թույլ ու անվարժ ականջների
համար:
Տեսա պարտությունը՝ դրված
հաղթանակի մատուցարանին:

Ես տեսա նույն հոգեխախտին,
Ով պարտության ծաղիկներից
սերմեր էր հավաքում
Մնացած հայրենիքի համար:
Եվ դիտողներին տեսա,
Խումհար աչքերով և խումհար մտքով դիտողների՝
Նույնքան հոգեխախտ:

Կախարդական քարեր են լուռ
խաչերը այս,
Դողդողում են շուրթերդ, երբ
համբուրում ես,
Ասեղնագործ հագուստները դառնում երազ,
Պոկ չեն գալիս քո աչքերից,
Չեն լքում քեզ:

Ու երբ տարտամ հեռանում ես դու խաչերից՝
Նրանց հյուսկեն խորհուրդը
քո սրտում պահած,
Հոգուդ խորքում բորբոքվում են
մի պահ մորից
Կարեկցանքի մոխիրները՝
Վաղուց հանգած:

Սովորական այս քարերը,
Բայց՝ խաչագարդ,
Օծված քաղցր լուսաբացի
հոգու երգով,
Ո՞ր է են տանում քո երազը այսպես հանդարտ,
Քեզ բարուրած ո՞ր է տանում
երազը քո:

ԱՐԱՐԱՏԻՆ

1.
Ես մի երկինք տեսա. որոտ ուներ խորքում,
Օրոր ուներ խորքում ու մի չքնաղ կտավ,
Ու առկայծող լույսի
միջանցքներում տխուր
Լսեցի երգն հոգու՝ աչքս կպավ:

Աչքս կպավ, ու մի բա՛րձր երազ տեսա.
Մի ձի արշավում էր՝ երկու լեռ կար թամբին,
Ձին ծովից էր ելել, մյուս ծովն էր գնում,
Հսկայական մի ձի բաշն էր քսում ամպին:

Բայց թիկունքից ձիու մի ագռավ դուրս սահեց,
Կռռում էր ու կռռում՝ կտուցն արյան ծարավ,
Ձին իր պայտը դաջեց նրա
կեղտոտ զանգին,
Ու ագռավի լեշը քամին տարավ:

Ոտնաձայնը ձիու, կրակահերթ ասես,
(Քնած էի, սակայն ժամանակն էր արթուն),
Ու երագիս կեսին հանկարծ աչքս բացվեց,
Լեռը հավերժ մնաց իմ աչքերի խորքում:

20. 09. 2025 թ.

2.
Հայացքով Արարատին փարված
Իմ հայրենիք,
Քո գովքն անելով աչքս կպավ,
Չնկատեցի,
Թե որդն ինչպես հայտնվեց
քո ներսում,
Ինչպես աննկատ ձվադրեց,
Եվ ինչպես սկսեցին քեզ հոշոտել ներսից,
Իմ քաղցր հայրենիք:

Հիմա սարսափելի քամիներ են՝
Սանձերն արծակած վտանգավոր քամիներ,
Երկինքը պղտոր է ու մոլեգին,
Եվ հիմա վախենում եմ
քեզ համար,
Հայրենիք՝
Թիկունքով Արարատին նայող:

05.10.2025թ.

3.
Երբ, ես փոքր էի,
Արարատը անհաս էր և շուրթերին էր պոետի:

Հիմա, երբ փոքրերը
Տարիքս շփոթում են
Արարատի տարիքի հետ,
Լեռը անընդհատ մեծանում է,

Թեև ես չեմ մոտենում նրան:
Ես չեմ կարողանում
մոտենալ նրան
Այդպես էլ...

07.10.2025.թ.

4.
Երբ ջրերը հոսել էին մինչև վերջ,
Երբ աշխարհով մեկ փոշու շիթեր էին
Ու էլ մարդը չէր կարող տեսնել
մերձավորին-
Երկինքն իր հայացքը դարձրեց ներքև,
Տեսավ ցամաքած ու կնճռոտ
մարմինը երկրի,
Տեսավ՝ ավերակները՝ հոգիներից հեռացած
մարդկանց,
Տխրեց ամսահման
Եվ սկսեց արտասվել
ինքնամոռաց,
Եվ արցունքները թափվեցին
ամիսներ շարունակ,
Եվ ջրերը դարձյալ բարձրացան,
Եվ փոքրիկ տապաններն հույսերի
Փորձեցին գտնել հանգրվանը միակ:

Բայց չկարողացան,
Քանի որ լեռանն արդեն վաղուց
ուրացել էին...

11.11.2025թ.

Մի Բառ ունեինք, մի թանկ Բառ,
Որ տեղավորել էինք քարտեզի վրա՝
Փշալարերի արանքում,
Եվ հավատով գուրգուրում էինք նրան...
Փշալարերը կարճ էին.
Եվ նրանցով եզրագծված տարածությունը
Փոքր էր ստացվել,
Եվ մենք համաձայն էինք...

Հետո ավելի սեղմեցին փշալարերը,
Եվ Բառից սկսեց արյուն կաթել,
Բառից սկսեց արյուն հորդել,
Իսկ մենք դեռ համաձայն էինք...

Հետո մեզանից փորձեցին խլել Բառը,
Ընդհանրապես մոռացնել նրա մասին-
Մենք դարձյալ համաձայնեցինք...

Եվ մի օր էլ (շատ հետո),
Երբ ուզեցինք կարոտով շոյել Բառը,
Նրա ուսերին թևեր աճեցին
Եվ Բառը թռավ-հեռացավ մեզանից...

Բարձրացել Հայրենիքի տանիքը՝
Պահմտոցի էինք խաղում...

Մի օր էլ սայթաքեցինք, գլորվեցինք ցած:

Բարձր էր տանիքն ընդհանրապես
Մենք դեռ գլորվում ենք...

Չափակարկինը պետք է բացել,
Իսկ ես բացել եմ քարտեզը եղած,
Որ կարողանամ
Շոշափել սերը իմ հայրենիքի:

Պետք է պարզել
Ձեռքերս՝ ինչպես չափակարկինը,
Ու վազել ես՝
Սահմանազանց,
Կորած աչքերի կորսված սիրո
Իմ քարտեզներով...

Մենք դնդնում էինք շարունակ
Քո ականջների մեջ,
Եվ դու քնեցիր, հաղադուքյո՞ւն:


Մենք քո կարոտից սթափված
Սկսեցինք բղավել, գոռգոռալ,
Բայց դու չարթնացար:

Դու անհաղորդ մնացիր:
Մնացիր հեռու ու դառնորեն սիրելի՝
Հանգչելով
Մեր օրորոցայիններով զարդարված
Մահիճի մեջ...

ԱՆՊՐԱՆԻԿ ԿԱՐԱՊԵՏՅԱՆ



«Արմավ»՝ հրատարակչույթյունը լույս է ընծայել բանաստեղծ Անդրանիկ Կարապետյանի «Հետհաշվարկ» ժողովածուն:
Գրքում տեղ են գտել հեղինակի՝ վերջին տարիներին գրած բանաստեղծությունները, որոնց մեջ նա ոչ միայն անդրադառնում է մեր օրերի իրողություններին, այլև մարդկային կյանքի փիլիսոփայական հատույթներն է բանաձեւում՝ ապավինելով սիրո, հայրենիքի եւ հավատի գործոններին: Բանաստեղծությունն այն միակ հեմարանն է, որ կարող է փրկել մերօրյա խառնակ ժամանակներում մոլորված մարդուն:



Բանաստեղծ, ՀԳՄ անդամ 1996թ.

Ծնվել է 1963թ., մայիսի 11-ին, Շիրակի մարզի Հացիկ գյուղում: 1980թ. ավարտել է Հացիկի միջնակարգ դպրոցը: 1984թ. ավարտել է Լենինականի Մ. Նալբանդյանի անվան մանկավարժական ինստիտուտի ֆիզ-մաթ ֆակուլտետը: 1996-ից աշխատում է որպես ՀԳՄ Շիրակի մարզային բաժանմունքի նախագահ: Նրա բանաստեղծությունները տպագրվել են հայաստանյան գրական մամուլում: Հրատարակվել է բանաստեղծական ութ ժողովածու: Թարգմանվել է Գերմաներեն, ֆրանսերեն, անգլերեն, սերբերեն, ռուսերեն, լեհերեն լեզուներով:

ԵՐԿԵՐ

- 1. «Անհնազանդ իքսեր», 1993
- 2. «Անհետացող ճամփաբաժան», 1996
- 3. «Երրորդ նժար», 2001
- 4. «Ջրերից հեռու», 2004
- 5. «Եվ տիրաբար, և հանցավոր», 2008
- 6. «Գլուխկոտրուկներ կամ խոսում են թվերը», 2009
- 7. «ВДАЛИ ОТ ВОД», 2010
- 8. «Այստեղ երկրից հեռու», 2015թ.
- 9. «Խսաղաղության գույնը», 2023թ.

ՍԱՌԱՆ

Սառաան՝ կինն էր առաջին.....
Վարսերը ծովափրփուր, աչքե-
րը մեղեսիկե, ծայրն՝ անուշա-
հունչ: Ասես պարզև երկնային,
որին և հավատում էի, և չէի հա-
վատում: Ջարմանում էի աստ-
ծո շռայլությունից, և սրտի խոր-
քում՝ մերթ տազնապում: Իսկ նա
ապրում էր ապրելու համար. հո-
գին՝ անտազնապ, սիրտը՝ սիրով
լի, բառերն անկանխատեսելի:
Ժամերով լռել գիտեր, թափառել
իր խորքերում, հետո ոսկեհատիկ
պեղածի հանգույն բարբառում
էր քաղցրածոր, քսմավում տիրա-
սեր շան նման, կկոցում լայնալիճ
աչքերը և սիրականջ հայացքը
կախում շուրթերից՝ ակամայից
խաղալով մազափնջի հետ: Իսկ
երբ ձեռքը բռնած ննջարան էի
տանում, հլու էր հարձի նման,
մաքուր՝ հրեշտակի պես... Եվ
բաց գիրք էր, և խրթին՝ բավիղի
նման, երբ չէր խոսում, ինքն իր
հետ, իր հոգու տիեզերքում: Սի-
րում էր, երբ կարդում էի մարմինը,
խաղացնում ամեն բջիջ, նյարդա-
թելերը պարացնում խամաճիկի
պես, խոնարհ էր նման պահե-
րի ու հնազանդ, երբեմն վագրի
նման ճկուն ու խաղացկոտ: Պաշ-
տում էի նրան: Մեր ամուսնու-
թյան առաջին տարին էր, և ես, ողջ
երկրագունդը մոռացած, ապրում
էի լոկ իրենով: Ընկերներս արդեն
հաշտվել էին իմ բացակայության
հետ, հարազատներս ներողամ-
տորեն չէին խանգարում, մայրս
աղոթում էր մեզ համար...: Իսկ
մենք շարունակ վայելում էինք
իրար, տոչորվածի նման, խելա-

հեղ ու հանդարտ, մինչ մրուր և
փրփուրներից վեր, հանց ծովն են
վայելում, գլանակն ու սուրճը...

Արձակուրդն անցավ հեռավոր
կղզում, օվկիանոսի ափին, ուր
թոքերդ ուռչում են օդի խոնա-
վությունից, ռունգերդ չորանում
տապից, կիսավայրի բնությունն
ու քաղաքակրթությունն իրար
հյուսված՝ առեղծվածներ են բա-
ցում, արմավներ ու բանամափեր,
ավազե կայսրություն, ուր ոչ ջրի
սահմանն է երևում, ոչ ավազի...

Եվ միևնույն վայրում՝ տարիներ
անց...

... Բաց մանուշակագույն երկն-
քի երկար պաստառի վրա ճերմա-
կը գեթ թեթև նշույլներ էր, աղոտ,
բզկտված բամբակի նման ու
ամուր, ծովը գրկել էր այդ գույ-
ներն ու ընկղմվել նրա մեջ: Տա-
րածությունն անսահման էր,
ցանկությունները՝ հպանցիկ, թեև
անվերջ էր թվում և այդ անվեր-
ջության մեջ՝ խաբուսիկ: Լռել-
յայն մտորելու ժամ էր, անհաղորդ
հոգիների տարաբնակեցման,
հեռացումների վավերագրման
ժամ: Աշխարհը՝ թղթե խաղալիք,
թղթերն՝ անվերջանալի սավան,
ուր մարմնի դրոշմից զատ ունայ-
նության գաղափարն էր տոչոր-
վում: Շուրթերը ձեռքերի ընկեր-
ներն էին, որ պատմություն էին
վավերագրում համբույրի կնի-
քով: Սատանան այդտեղ չկար,
բախտի անկառավար անիվն էր,
որ գայթուն ու գայթուն էր անխոթ
ճանապարհին՝ կանացի հեկե-
կոցը տխուր օրորոցային տեղ
առած: Միզամած օրերը թեթև
պոռթկման նման սահում էին ու
սահում: Եվ թեպետ մերթ-մերթ
ալիքներն էին ժայթքում, հնա-

մաշ արևը նորովի էր լիզում սի-
րո ափունքը, փաղաքշում օրերի
ստինքն ու պորտառակը: Բախտը
նախճիր էր նյութում և հնոցու մեջ
եռ եկած երկաթի նման համառո-
րեն զոհեր տեսնում: Երանավետ
խաղաղությունը վաղուց էր լքել
սիրո ափերը: Հանդգնությունն էր
խոսում, կիրքը բոցկտում էր, և
նրա փեշերից օտարուտի լավան
իր ուղիներում խժռում էր ամեն
ինչ: Ազնվությունը պատրանք էր
թվում, համեստությունը՝ կեղծ
շղարշ:

Ուտաբոքիկ օրեր էր տեսնում,
անխարիսխ նավակների փոխա-
րեն՝ խաղաղ կացարան, հեռաբ-
նակ ու ամայի, հայացքներից հե-
ռու, մենավորիկ... Գիտեր. այլևս
գոց են դրախտի դռները, մա-
հարձաններն անգամ պահապան
շների նման հսկում էին ելքերն
ու մուտքերը: Ինքն օտար էր այն-
տեղ, անկոչ, թափառական մի
շուն, որին վաղուց պնակալեզի
պիտակ էր տրված... Սեփական
մտքերի դաժանությունից ծա-
մածռվող դեմքի վրա եմբաղրյալ
քամահրանք կար, որն առաջի-
քն վաճեց: Սառն ու անտաքեր
մեկնվել էր իր կողքին կնոջական
տխուր քմայքներով՝ վանելով
համերաշխության վերջին ճիգե-
րը: Փորձեց առաջինը ձեռք մեկ-
նել՝ ապարդյուն. խարդավանքի
ցանցն այնպես խիտ էր հյուսված
և անբակտելի, որ ապարդյուն էր
ամեն մի ջանք: Ողջը եմբաղրում
էր հեռացում: Կինն իր մեջ կողպել
էր ապրելու բոլոր կռվանները,
կռահելու և ձգտումների խաղա-
քարտերը, նպատակին հասնելու
գաղտնի ուղիները:

Գլխիվայր շրջված սափորի

նման ծլլացող վերջին հյուսերն
էր շաղում: Աչքերի հակինթը չա-
րագուշակ գիշերվա պես մթնում
էր հաճախ: Հաղորդության ոչ
մի եզր չունեիր: Դռնփակ ամրոցի
նման ավեր էր թվում ու արխաիկ:
Որքան էլ գլուխ էր կոտրում՝ չէր
ըմբռնում՝ այդպիսի՞ն էր, թե՞
դարձավ: Ով գլխիվայր շրջեց
ամեն ինչ: Կաթնագույն սաթ էր
մարմինը, դեղձի բույր ուներ, սա-
կայն հեռավոր էր, ինչպես երբեք:
Թովչանքը կախարդմունքի պես
էր, և առաջվա պես սիրտը չէր
խլրտում, միայն կիրքն էր պատե-
պատ զարկվում հուժկու ալիքի
պես ու ցնորված փլվում ստորոտ-
ներին:

Ծանր ու մեծ գիշերն իր
ահարկու թևերը հավաքեց քա-
ղաքի վրայից՝ հետզհետե բացե-
լով առավոտի ստինքները: Մեծ,
լուսակախ նրանք ճոճվում էին
ճերմակ ամպերի տեսքով՝ կաթ-
նածոր նեկտար մաղելով կա-
նաչ հովիտներին ու թաքնախոտ
անտառին: Վարագույրի հետ
խաղացող արևի ջերմությունն էր
անկողնում, թե մի ուրիշ տաքուկ
բան, որի պատճառով երկարեցին
ձեռքերը: Դատարկ սավանը դեռ
ջերմություն ուներ: Նայեց դիմա-
ցի պատին, ուր կախված հայելին
անդրադարձնում էր լողասենյա-
կի կիսաբաց դուռը: Ջրի ճլմփո-
ցից ու օժանդակներից ողողված
սենյակում ծանոթ ներկայություն
զգաց: Ահա կգա՝ երկար, բաց
դարչինե գանգուրները ցամքոցի
մեջ հավաքած, դեմքին ու պարա-
նոցին ջրի կաթիլներ, որոնք այն-
քան էր սիրում... Մի պահ կանգ
կառնի հայելու առջև, հետո ու-
սերից կսահի խալաթը: Ոչ, ոչինչ

այլևս չի լինի առաջվանը: Ինքը
կզնա բաց պատշգամբ՝ սուրճի
ու գլանակի համար, խուսափե-
լով տեսնել կնոջ մերկությունը, որ
դիմացինին հունից հանելու առա-
քելություն ունի, քան սիրո վայել-
քի: Արդեն չորրորդ օրն է ամեն ինչ
կրկնվում է վատ սցենարի պես ու
ինքն այլևս չի գայթակղվի: Ինչ
իմաստ ունի, եթե կինն արդեն
գնել է ետդարմի ուղեւորմանը:
Չէ, այս անգամ արդեն գայրույ-
թը պոռթկաց երակներում, և ինքն
էլ չհասկացավ ինչպես զարեջ-
րի կիսադատարկ շիշը շառաչով
մխրճվեց հայելու արտատկերում՝
գրեզացող ապակու փշրանքները
սփռելով շուրջբոլորը: Կինը մերկ
դուրս թռավ լողասենյակից, մի
պահ վարանեց, հետո տեսնե-
լով ամուսնու այլայլված դեմքը՝
շտապեց հարևան սենյակ, ճանա-
պարհին հազնելով խալաթի կախ
թևերը: Անսպասելի արարքից
տղամարդն էլ էր ցնցված, ինքն
իրեն չէր ճանաչում, երկար պառ-
կեց անշարժ, մինչդեռ կինը սեմ-
յակում հապճեպ իրերն էր կար-
գավորում: Թող գնա՝ մտածում
էր, իր որոշումն է, թող այդպես
լինի: Հիմա այլևս չարժե մեղա-
վորներ փնտրել, առավել ևս այս
դառն օրերից հետո, երբ իր մեջ
անդառնալիորեն ինչ-որ բան
կոտրվեց: Ու տազնապներին հա-
ջորդեց ազատության ձգտում:
Ասես թևերից մի ծանր բեռ ըն-
կավ, ու թվաց սավառնում է բաց,
ազատ տարածության մեջ, և այդ-
պես թեթևացած էլ չհասկացավ,
երբ ննջեց:

Մարինե
ՄԿՐՏՉՅԱՆ



ՄՅՈՒԶԱՆԻԿ ԳԱԼՍՏՅԱՆԵ

ԽԵԼԱՌ ՀԱՄՈՆ

**Քաշ ե՛, ախպեր, քաշե՛
ու լի՛ց մոխրամանը,
ես էլ եղ քու ցավդ քաշեմ,
Քաշե՛, ախպեր, ու մի՛ քաշվի,
Պատմե՛ տեսնիմ՝ ցավդ ո՞րն է:
Ա՛յ տեսնի՛սկը գիրլի վերոն,
Մեջը մտած խելառ Համոն,
Գիտե՛ս՝ ընչի շիշ քիավաքե,
Որդև ինքն էլ քու պես տկար
Կյանքը թողած սերը գուլար,
Ինքն էլ ըղպես անկապ մտած,
Ձեռը ջեքը սոված մնաց:**

Լևոն Բեժ

Խելառ Համոյին քաղաքում գի-
տեն բոլորը. ամբողջ օրը շիշ է
հավաքում, աղբամաններում ինչ-
որ բան է փնտրում ու չի գտնում,
անցնող-դարձողի հետ խոսում,
ինքն իր հետ կռիվ տալիս: Այս-
պես արդեն երկար ու ծիգ տարի-
ներ: Բայց ո՞վ էր Համոն, ինչո՞ւ
էին նրան խելառ կոչում ու ի՞նչ
պատճառով էր այդ վիճակում:

1980-ականներին Համոն մի
խեմք երիտասարդ էր, ապագա
իմժեներ: Միջին հասակի, սոլի-
դար կեցվածքով ու դասական
հագուստով պարզ ու մաքուր լե-
նինականցի էր Համոն: Նրա նպա-
տակները շատ էին, ու նույնքան
շատ էր և այդ նպատակներին
հասնելու նրա կամքը: Համոն ու-
ներ ապագայի կայուն պլաններ.
կավարտեր համալսարանը ու
միանգամից աշխատանքի կանց-
ներ Լենինականի գործարաննե-
րից մեկում (ամենից շատ ուզում
էր աշխատել տիկնիկների գոր-
ծարանում):

Բայց նրա ապագայի լուսավոր
կետը Աննան էր՝ սիրելին: Աննան
դեռ դպրոցական էր, բայց Աննա-
յի ու Համոյի սերը շատ սերերից
էլ հասուն էր: Աննան ամմացողով
սիրում էր Համոյին, հավաքում
էր նրան ու հստակ որոշել էր, որ
կյանքի մնացյալ տարիները հենց
Համոյի հետ էր կիսելու:

Մեկ տարի անց Համոն ար-
դեն իմժեներ էր ու կարողացել էր
աշխատանքի անցնել հենց տիկ-
նիկների գործարանում: Աննան
շուտով ավարտում էր դպրոցը և
որոշել էր դառնալ ուսուցչուհի:

Ամեն անգամ ժամադրության
գնալիս Համոն գործարանից
տիկնիկ էր բերում Աննային, իսկ
Աննան, ճիշտ է, ուրախանում էր,
բայց հանդիմանում էր Համոյին.

-Ախր Համո, ամեն անգամ կբե-
րես, ես ըսքանը ի՞նչ էնեն:

-Աննա, հա՛, ամեն անգամ կբե-
րեմ ու կշարունակեմ բերել: Եթե
ուշադիր ես, ուրեմն կտեսնիս, որ
հեջ մի տիկնիկ էլ նույնը չէ, տար-
բեր են:

-Հա՛, ճիշտ ես, տարբեր են,
բայց 1, 2, 5, 10, ինչքա՞ն կարելի է:

-Աննա, էլի կբերեմ, էնքան կբե-
րեմ, որ էլ տունը տեղ չեղնի դեմ-
լու: Ու հարցրա՛ ընչի՞:

-Ընչի՞:

- Որ ապագայում աղջիկս լեն-
նականցու պես ըսե՛ պապաս
մեր տունը տիկնիկի գործարանի
մասնաճյուղ է բացել:

Համոն լենինականցիներին
բնորոշ սուր հումոր ուներ ու միշտ
ինքնասածի էր: Բայց որքան կա-
յուն էր արտաքննապես, նույնքան
է փխրում էր ներսից:

Ձմեռը եկավ, 1988-ի ձմեռը...
թեև դեռ նոր էր սկսվել դեկտեմ-
բերը, բայց Լենինականի խստա-
շունչ ձմեռը հոկտեմբերի վերջե-
րից էր իրեն դրսևորում: Գործա-
րանում շատ գործ էր կուտակվել,
Համոն չէր հասցնում: Աննային
զգուշացրել էր, որ առավոտյան
չի կարողանա գալ ու միայն երե-
կոյան կտեսնվեն:

Դեկտեմբերի 7-ն էր... մի տե-
սակ մոխրագույն, սառը, կարծես
օդում կախված ինչ-որ բան էր
նկատվում: Համոն դուրս եկավ
տանից, տարօրինակ զգացո-
ղություն ուներ: Սովորության
համաձայն՝ կոստյումով էր, ծախ
գրպանում միշտ թաշկինակ կար:
Քայլում էր Համոն, հաշվարկում
էր աշխատանքի ծավալներն ու
մտովի պլանավորում երեկոն՝
չիամբերելով, թե երբ է տեսնելու
Աննային: Նայեց ծախ ձեռքին կա-
պած ժամացույցին. վաղամեռիկ
հոր մկերն էր: Ժամացույցը 11:40
էր հուշում, այսինքն՝ ուշացել էր:
Բայց արդեն գործարանի մոտ էր,
չէր հասցրել մտնել ներս, նորից
աչքը զգեց ժամացույցին 11:41:
Ու պայթե՛ց, պայթե՛ց, Լենինա-
կանը պայթեց...Համոյի աչքի
առաջ ընդամենը մի քանի ակն-
թարթում գործարանը հողին հա-
վասարվեց, իսկ ինքը չէր հասկա-
նում ինչ էր կատարվում: Սկսեց
վազել այսուայն կողմ: Փոշու
մեծ ամպ էր կախվում քաղաքի
գլխին՝ կարծես դամոկլյան սուր,
որ գուժում էր վերահաս աղետը:
Կատարյալ քառս էր, իսկ Համոն՝

քառսի մեջտեղով քայլող հավա-
սարակչություն. ամեն կողմում
փլատակ էր, փլատակի տակ՝
դիակ, դիակի տակ՝ ցավ: Համոն
անընդհատ տրորում էր աչքերը
ու չէր հասկանում՝ դա անում էր
փոշուց, թե սքափվելու անհրա-
ժեշտությունից: Համոյին թվաց,
թե սա իր հեղքանքն երազներից
էր. «Համո՛, դե ելի էլի, հերիք է,
զարթնի՛, Համո՛»: Այսպես ծայր
էր տալիս Համոն ու հարվածում
ինքն իրեն, որ կարողանա դուրս
գալ գիշերային այդ մղձավան-
ջից: Բայց մղձավանջը հենց այն
դառը իրադրությունն էր, որին
բախվել էին քաղաքում բացառա-
պես բոլորը:

Քաղաքի բոլոր ճանապարհնե-
րը Համոյի համար միայն մի տեղ
էին տանում: Մի քանի րոպե ևս, և
Համոն Աննայի դպրոցի դիմաց էր:
Փրկարարներ ու մարդիկ էին հա-
վաքված, բոլորը խոսում էին, որ
երեխաներից ոչ մեկը չի փրկվել,
Աստված չէր խնայել:

Դիակները դուրս էին բերում
փլատակների տակից: Համոն մո-
տեցավ դիակներից մեկին. Աննան
էր, Համոյի Աննան... Նա ճանաչեց
Աննային, բայց ոչինչ չասաց, նույ-
նիսկ աչքերը չարցունքոտվեցին:
Մի քանի րոպե անց Համոն սկսեց
խելագարի պես ծիծաղել, ուղղա-
կի ծիծաղում էր՝ առանց որևէ բան
ասելու:

Ինչ էր զգում Համոն՝ դժվար էր
ասելն ու նույնիսկ պատկերաց-
նելը: Բայց մի բան հստակ էր.
ինչպես որ աղետը ավերակների
վերածեց քաղաքը, նույնպես և
կորուստը ավերակների վերածեց
Համոյի հոգին:

Անցան շա՛տ տարիներ, Հա-
մոն դարձավ խելառ Համո: Խե-
լառ Համոյի անձի նկարագիրը
իրական Համոյից անխոս շատ
էր տարբերվում: Տունը, աշխա-
տանքն ու սիրելիին կորցրած

Համոն թեպետ նույնը լինել չէր էլ
կարող: Համոն կորցրեց ամեն ինչ
ու չգտավ իրեն: Համոն կորցրեց
աշխատանքն ու չգտավ նորը:
Համոն կորցրեց իր Աննային ու
չփնտրեց մի ուրիշ Աննայի:
Շատ տարիներ անց աղետից
ոտքի կանգնող ու սպիացող վեր-
բերով Գյումրու փողոցներում կա-
րելի է տեսնել աղետից ծնկած ու
չսպիացող վերքերով խելառ Հա-
մոյին: Թափառում է մի փողոցից
մյուսը ճիշտ այնպես, ինչպես թա-
փառում էր հենց այն օրը: Չմայած
ամեն ինչի՞ն՝ սովորության համա-
ձայն՝ նա կրկին սև կոստյումով է,
ծախ գրպանում՝ թաշկինակ:
Նախկին իմժեների կեցված-
քը կար, բայց չկային էլ ո՛չ գոր-
ծարանը, ո՛չ իմժեները: Խելառ
Համոն իր սերն էր սզում ու ողջ
կյանքում էլ սզաց: Նա խոսում էր
անցնող-դարձողի հետ, խրատ-
ներ տալիս ջահելներին, հումորը
խմանքով պահած՝ կատակում էր
սիեկների հետ: Իսկ առավոտյան
Համոն միշտ շտապում էր, ու այն
հարցին, թե ուր է շտապում ամեն
առավոտ, խելառ Համոն վստահ
չեշտով պատասխանում էր՝ գոր-
ծի: Ամեն առավոտ՝ 11:41 Համոն
տիկնիկների մախկին գործարա-
նի տեղում է, անշարժ կանգնած,
զուցե մտովի փորձում է անցյա-
լի փլատակները վեր հանել ու
գտնել դեռ չկառուցված ապա-
գան: Իսկ Լենինականում 1988-ի
աղետից հետո խելառ համոները
շատ են...

**Քաշե՛, ախպեր, քաշե՛
ու լի՛ց մոխրամանը,
ես էլ եղ քու ցավդ քաշեմ,
Քաշե՛, ախպեր, ու մի՛ քաշվի,
Պատմե՛ տեսնիմ՝ ցավդ ո՞րն է:
Ցավդ սե՞րն է,
Մարդու դարդը տունն
ու տեղն է,
Կտորըմ հաց, կուճըմ ջուրն է,
Իսկ դու մտած սերդ գուլաա...**

«Մարդը սպիտակ քաղաքից» գիրքը հրատարակվել է Հայաստանի կրթության, գիտության, մշակույթի և սպորտի նախարարության աջակցությամբ, Հայաստանի կինոյի հիմնադրամի հետ համագործակցությամբ:



ԻՐԱԿԱՆ ԺԱՄԱՆԱԿԻ ՀԱՎԵՐԺՈՒԹՅՈՒՆԸ

ԴԻՆՈ ԲՈՒՑԱՏԻ

ԶՈՐԱԳՈՒԽԵՂԸ

ՄԵՎՈՒԽԵՒԷ

ԱՐԵՎԱՆՍԱԳՐՆ

Մարսից առաջին անգամ եկած դիվանագետին ներկայացնում էի մեր սովորույթները:

-Կարելի է կարծել, թե մեր ողջ աշխարհը լույս մեկ նպատակի համար է ստեղծված, որ հավիտենապես այնտեղ ներկա լինի մեկնելու պատրաստ մի կայազոր:

Ուստի մարդիկ վերադառնալով են, կենդանիները և բույսերը և վերադառնալով են, ու դրան նպաստում է այն հանգամանքը, որ բեղմնավորման իրողությունն ընդհանրապես համարվում է որպես չափազանց մեծ բավականություն պատճառող մի բան:

Ու այնքան քաղցր է սիրով զբաղվելը տղամարդու և կնոջ համար, որ բացարձակապես բացակայում է վտանգը, թե մարդը երբևէ կդադարի բեղմնավորել և ապահովել կայազորի համալրումը:

Ավելին, նա տրվում է մարմնական զուգավորման հաճույքին հիմար անփութությամբ՝ լույս աշխարհի բերելով շատ ավելի զավակների, քան ինքը կարող է կերակրել, ուստի և հաճախ տառապում է թշվառությունից, քաղցից, նվաստացումներից, ու այնքան տխմար է, որ չի նկատում, որ այդ գրկանքներն ինքն է իրեն պատճառում, բայց մեղքը բարդում է մերձավորի վրա, որ մի քիչ ավելի խելք ունենալով՝ նրանից ավելի բարվոք վիճակում է:

-Սակայն, բացատրի՜ր ինձ, ասում է օտարականը, որը եկել է մեկ այլ, ավելի բանական աշխարհից ու չի կարողանում հասկանալ,- բացի բեղմնավորման ակտից, ի՞նչ բավականություն են ստանում՝ զավակներ աշխարհի բերելով:

Չոն Հարություն Խաչատրյանի ֆիլմերին

Դիտելով Հարություն Խաչատրյանի ֆիլմերը՝ սկսում եք ճանապարհորդությունը կինոյի ընդհանուր սպասելիքներից անդին: Զգիտակցելով դա՝ դիտողը ներքաշվում է մի փորձառության մեջ, որն անընդհատ զարմացնում է: Հարություն Խաչատրյանի ֆիլմերը լավագույն էքսպերիմենտալ կինոնկարներից են: Նա ձեզ ոչ թե պատմություն է պատմում, այլ իրական ժամանակի տաճարում հաղորդում է տեղի և անծի անխափան մթնոլորտ՝ մի ձև, որը ժամանակը դարձնում է անժամանակ: Այն, ինչ նա առաջարկում է, անխոս պատմությ է մի պատմության մեջ, որը պետք է տեսնել:

Ձեր առջև եղած պատկերները միաժամանակ տեսողականի եւ լսողականի միաձուլում են: Երկուսն էլ ձեր ուշադրությունն են գրավում: Երաժշտությունը հուզական պատմությ է՝ առանց փոխաբերության, հոգուն ուղղակիորեն փոխանցվող: Այն, ինչ լսում եք, այն է, ինչ տեսնում եք և այն, ինչ տեսնում եք,

այն է, ինչ լսում եք: Ջարմանալի է: Իր անվանի մեծերի կերպարի հրեշտակապետ Սերգեյ Փարաշանովի և Արտավազդ Փելեշյանի հետքերով Հարություն Խաչատրյանն իր ստեղծագործությունները միացնում է նրանց ստեղծագործություններին հոգու պոեզիայով: Իրական ժամանակի հավերժության մեջ նրա ֆիլմերը բացահայտում են կյանքի և հողի ընդհանուր հարմարավետությունը, քաջությունն ու փխրությունը: Թեման Հայաստանն է՝ ծյունը, տարվա եղանակները, լեզուն, անհետացածն պահը, որը միշտ շրջադարձային է: Նրա կերպարները վառ ծաղիկների պես սերում են Հայաստանի հողից՝ հունդով ջրված եւ կյանքի տապը մեղմացնող ծաղիկներ: Նրա դռներով շրջում են անուշաբույր, ծաղկած կերպարներ: Նրանց անխոս պատմություններն ավելի շատ ասելիք ունեն, քան հնարավոր է պատմել: Բացատրությունից դուրս ներքին ազդեցությունն ինքնին «բացատրություն» է: Հանդիսատեսին վստահված նրա ֆիլմերը ինքնատուրգողական են: Նրանք խոսում են մեր բոլորի ներսում բնակվող էսթետիկ եռյակների հետ՝ զգացմունքների, հույզերի և ընկալման:

«Սահմանը» դիտելիս մի բան տեղի ունեցավ, որն ինձ ապշեցրեց եւ իրապես զարմացրեց. ես ամբողջովին ներքաշվեցի ջրային գոմեշի կյանքի եւ զգացմունքների մեջ: Եղջերավոր անասունի պատկերների միջոցով ստեղծված լարվածությունն ինձ հետ շատ երկար կմնա՝ ջրանիշի պես: Գեղեցիկ արարածի նկատմամբ ուշադրությունը նման էր կինոաստղին հատկացրած ուշադրությանը: Այս անսպասելի խորությամբ կարող է ուշադրություն դարձնել «Դիսնեյ» ստուդիան: Հարությունը հասել է նրան, ինչին չի կարող հասնել անիմացիոն մարդակերպված ֆանտազիան՝ իրականի ֆանտազիային, շնորհիվ իսկական հրեշի: «Պոետի վերադարձը» ֆիլմի վերջում, որն ինքնին սկիզբ էր, ես՝ անծանոթս, ևս կարող էի լսել. «Մայրը՝ այնքան հոգնած և ծեր, երգ էր երգում յուրաքանչյուր անծանոթի համար, ով գալիս էր»: Ես ինքս նստեցի բեռնատարը, կերա ուտելիքը, խմեցի քաղցր ծիրանը, լսեցի երաժշտությունը ողջ գիշեր պարելիս: Ես իրոք այնտեղ էի: Տուն հասնելուն պես՝ ձյան մեջ, իսկապես քարի մեջ պարփակված պոետը խոսեց ինձ հետ: Ինչպես պոետի արձանը, այնպես

էլ ես ժամանակի մեջ եմ քանդակվել:

Հարությունի ֆիլմերը տարօրինակ են: Նրա հակասական, հուզիչ կադրերը ստեղծում են մի փորձառություն, որտեղ իմաստը ձևի մեջ է: Երկար ձգվող կադրերը փոխադարձ հայացք են ենթադրում, որը դիտողին ներս է հրավիրում: Ինչպես և կյանքում՝ ճանապարհորդությունը նպատակալետն է: Գիշերային պատկերների մեջ, որոնք հազում են ցերեկային լույսը, նրանք բացահայտում են էկրանի մակերեսից այն կողմ գտնվող խորությունը: Նրա ֆիլմերը հանդիսատեսին հրավիրում են լողալու այնքան հեռու, որքան վերջինս կուզենա՝ սովորական կինոյի ափերից դեպի պայծառ անհայտության ջրերը:

Հայաստանի զավակ Հարությունը, ձևին հավատարիմ մնալով, ստեղծել է տեսողական պոեզիա, որը եզակի է կինոաշխարհում՝ իր մեծերի հետ: Շնորհակալ եմ թեզ, Հայաստան, շնորհակալ եմ, Սայր, որ ծնեցիր այդպիսի ստեղծագործ հոգիներ: Ինչպես գիշերվա աստղերը, այնպես էլ անցյալի նրանց լույսերը մեր ներկայության մեջ են:

ԳՐԴՅՐԻ ՌԵՋԻՐ

ռանալն ամենամեծ ցավն է, որ կա:

-Եվ սակայն, ի՞նչ կարող եմք անել:

-Շատ հասարակ բան. այլևս չբեղմնավորել, չթողնել, որ վերստեղծվի այդքան թշվառ մի ճակատագիր:

-Դե լավ, ո՞վ է ասել, որ մեկնումից հետո ամեն ինչ վերջանում է: Այստեղ խոսքը ամենամեծ խնդրի մասին է, մի բանի մասին, որը բոլորից ամենակարևորն է ու սուկալի: Ո՞րն է մեկնող զորախմբերի նպատակակետը: Ո՞ր եմ գնում մեկնող նավերը: Դեպի ի՞նչ ճակատամարտեր, ծովեր, ճակատագրեր: Ինչ մարդը գոյություն ունի, բոլոր այդ հանելուկները ծառանում են նրա առաջ: Թշնամական բանա՞կ կա պարտության մատնելու: Անձանոթ երկի՞ր կա նվաճելու: Ո՞ր եմ գնում: Ի՞նչ մտադրություններով: Եվ կամ գնում են կուրորե՞ն: Իսկ նավերը որտե՞ղ են կառանում: Սա մեծագույն խնդիր է:

-Որը ոչ ոքի չի հաջողվել լուծել:

-Գիշտ է: Շատերը համոզված են, որ երկրի վրա կյանքի նպատակը հենց երկրորդ կյանքն է՝ մի ուրիշ տեղ, որը պիտի տևի հավերժորեն: Տեսնո՞ւմ ես, այս կերպ ամեն ինչ բացատրվում է:

-Իսկ դու ինքդ հավատո՞ւմ ես դրան:

-Դե, անկեղծ ասած՝ ոչ: Ծնողներս հավատում էին: Ես դրան այլևս չեմ հավատում կամ գոնե խիստ կասկածում եմ: Ջավակներս դրան էլ ավելի քիչ են հավատում... Բայց նայնպես, նաև զավակներս են կյանքին անվերապահորեն կապված:

-Դե իհարկե: Ի վերջո, դա միակ բանն է, որ նրանց մնում է:

-Տեսնո՞ւմ ես, մարդը մեծ, առեղծվածային պաշարներ ունի...

-Ուզում ես ասել, նա ապրում է, ասես չպիտի՞ մեկնի մի օր: Ասես իր կյանքը հավերժ պիտի տևի՞:

-Որոշակի իմաստով՝ այո:

-Պիտի քեզ խոստովանեմ, որ դա այն է, որն ինձ ամենաշատն է ապշեցրել, ինչ գտնվում եմ ձեր մեջ: Բոլորն այնպես են վարվում,

կարծես երբևէ չեն մեկնելու, ու երբ գալիս է մեկնելու պահը, զարմանում են, բողբոջում, ողբերգություն սարքում:

-Տրամաբանական է: Կյանքը շատ գեղեցիկ բան է, աշխարհը կախարհիչ վայր է. ամենուր մարգագետիններ են, անտառներ, ծաղիկներ: Երկինք, արև, ամպեր: Աստղեր, լուսին: Իսկ ծովը տեսա՞ր, իսկ լեռները: Թանգարաններում եղա՞ր: Փորձե՞լ ես կարդալ մեր գրական գլուխգործոցներից մեկը:

-Դե՛հ, քիչ ժամանակ է, ինչ այստեղ եմ: Ձեր լեզուն լավ չգիտեմ:

-Ուրեմն դեռևս չես տեսել ամենաչքնաղ քաղաքները, հուշարձանները, երկնաքերները, կամուրջները, որ մարդու հպարտությունն են: Իսկ երիտասարդ ու գեղեցիկ կանայք դեռ չե՞ն գրավել քեզ: Փորձե՞լ ես դիպչել նրանց: Դու էլ սեռական համակարգ ունես, չե՞: Փորձե՞լ ես սիրով զբաղվել: Գայթակղվե՞լ ես մեր աշխարհի արատներով: Արդյոք գիտե՞ս, որ ես Աստծո արարած եմ:

-Լսում եմ քեզ՝ մի քիչ տարակուսած:

-Իսկ երաժշտությունը, երգե՞րը... իսկ համեղ ուտելիքներն ու խմիչքները... գիտե՞ս արդյոք, որ ոմանք առատ սեղանը նախընտրում են մարմնական ցանկությունից... Իսկ թատերական ու սպորտային ներկայացումները: Իսկ սպորտի պատճառած խանդավառությունը: Դուք ևս դահու՞կ եք քշում այնտեղ:

-Պիտի ընդունեմ, որ դու բավականին պերճախոս ես: Քիչ է մնում համոզվեմ:

Մի խոսքով, ի հեճուկս ամեն ինչի, ձեզ մոտ ուղղակի դրախտ է: Չնայած ժամկետի լրանալուն, որ ձեզ սպասում է, դուք երջանիկ էակներ եք թվում:

-Կարող ես այդպես ասել: Երկիր մոլորակը դրախտավայր է՝ հավիտենական զարման մեջ, և արդեն այն իրողությունը, որ մենք ապրում ենք, չենք կարող այլ բան ցանկանալ, և ինչպես դու ես ասում, մենք ուղղակի երջանիկ էակներ ենք:

-Ուրեմն, ես սխալվել էի:

-Անշու՛շտ: Հակառակ այն

բանի, ինչ դու ենթադրում էիր, կրկնում եմ, մենք երջանիկ ենք: Երջանի՜կ, երջանի՜կ: Լողում ենք երանության օվկիանոսում:

-Հայ-հո՛ւյ, բախտավոր մեր գլուխ...

Չարչարվել, իսկ վերջում մշտապես մնալ ձեռնունայն: Խեղճանալ ինչ-որ կնոջ համար, ու երբ արդեն տիրացել ես նրան, զգալ քեզ դառնորեն խաբված: Կռիվ տալ փառքի, փողի համար, այն դեպ, որ քեզ ուղղորդում է, ու երբ թվում է, թե ինչ-որ բանի ես հասել, ահա սև ստվերն է քեզ սպասում, ու այս ամենը՝ միջից ճղվելուցդ հետո, ու նաև հիասքանչ արատները, նաև պոեզիան, նաև երաժշտությունն են դառնում նեխվածություն ու թույն. ու դեռ քեզ հետ խոսում է մի մարդ, որի բախտը բերել է, քանզի մյուսները դատապարտված են նաև հիվանդությունների, թշվառության, մարմնական ախտերի, գարշահոտությունների, տգեղության, զռեհկության, ու նաև նրանք պիտի մեկնեն, անգամ եթե մոռանում են այդ մասին, նաև նրանց է ստվերը սպասում մի անկյունում, դռան հետևում, զգեստապահարանի մեջ, գիշերվա անձկությունը և առավոտվա անձկությունը՝ ևս, որն ավելի վատ է...

Միակ փախուստն այն հիմարությունն է, որով քաղաքական մարդը մտահոգվում է գալիք դարերի ու մարդկության ճակատագրերի մասին, փաստաբանը, բժիշկը, բանկիրը, ջուլիակը, վաճառականը համոզված են, որ իրենց աշխատանքը կամ գործը կամ դավը աշխարհի ամենակարևոր բաներն են, ու տևելու են հավետ, և ամեն մեկը սիրում է ինքն իրեն և պաշտում իրեն պատկանող բաները, իր սեփական տունը, իր երեխաներին ու լրիվ մոռանում է վերջնական նպատակը, որի մասին միտքը միջնջեռ պիտի զբաղեցներ նրան իր բոլոր օրերին, իսկ հետո, երբ գալիս են նրան կանչելու, սկսում է ճղճալ մորթվող խոզի մման:

Թարգմանությունը՝
Գառնիկ ՄԵԼՈՒՅԱՆԻ



Գյումրու մշակութային կյանքում վերջին հինգ տարիներին հաստատվել է մի կարևոր իրադարձություն, որը միավորում է գրքարվեստը, վայելչագրությունն ու տառարվեստը՝ նոր լույսով ներկայացնելով մեր դարավոր մշակութային ժառանգությունը: Բեռլին ԱՐՏ հոթելում գործող Գալերի 25-ում իրականացվող «Գրքարվեստ և կալիգրաֆիա» նախագիծը դարձել է տարվա ամենասպասված մշակութային նախագծերից մեկը, որտեղ պատմական ավանդույթները հանդիպում են նորարարությանը, իսկ գրի հանդեպ սերը՝ ժամանակակից ստեղծագործական մոտեցումներին:

2025 թվականին իրականացված հոբելյանական հինգերորդ ծրագիրն առանձնացավ իր յուրօրինակ հետահայաց ցուցադրությամբ, որտեղ ներկայացվեցին նախորդ տարիների ստեղծագործությունները: Սակայն մինչև այդ տպավորիչ հանգրվանը, այս նախաձեռնությունն անցել է երկար ու հետաքրքիր ճանապարհ, միավորել տասնյակ արվեստագետների շայաստանից ու արտերկրից՝ դառնալով հարթակ ստեղծագործելու, սովորելու և փոխանակման:

Սկիզբը

Թեպետ նախագիծը Գալերի 25-ում պաշտոնապես մեկնարկել է 2021 թվականին, դրա գաղափարը ձևավորվել է շատ ավելի վաղ՝ որպես արժանաք այն մտահոգությանը, որ ձեռագրի մշակույթը և ձեռակերտ գրքարվեստն աստիճանաբար մոռացության են մատնվում: Գաղափարն էր ոչ միայն ցուցադրելու այն արժեքները, որոնք արդեն իսկ կային, այլև դառնալու հարթակ նոր ստեղծագործական մտքերի, կայացած արվեստագետների և նոր սերնդի միջև շփման:

Նախագծի նպատակներն են՝ հայկական գրչության ավանդույթի վերհանում, դրա արդիա-

ԳՐՔԱՐՎԵՍՏ ԵՎ ԿԱԼԻԳՐԱՖԻԱ. ԳՐԻ ՈՒ ԳՐՉՈՒԹՅԱՆ ՏՈՆԸ ԳՅՈՒՄՐԻՈՒՄ

կանացում, զանազան ստեղծագործական փորձառությունների ներկայացում: Գիրքն այստեղ դիտվում է ոչ միայն որպես ընթերցանության նյութ, այլև որպես արվեստի առանձին ինքնարժեք ձև:

Հինգ տարիների ստեղծագործ ուղին

Նախագիծն ավանդաբար մեկնարկում է մեծ անհատական ցուցահանդեսով, որը դառնում է առանցք տվյալ տարվա մշակութային իրադարձությունների: 2021 թվականին՝ նախագծի առաջին տարին մեկնարկեց գերմանացի արվեստագետ Չայնգ Ֆերբերտի՝ «Չինական կալիգրաֆիայի ինտերպրետացիաներ» ցուցադրությամբ: Արվեստագետն, ի դեպ, ծրագրից ոգեշնչված, հաջորդ տարի ներկայացավ իր «Չայնգ ալբուբեն» շարքով: Երկրորդ տարվա միջոցառումների բացումն ազդարարվեց Արարատ Սարգսյանի «Արիստոփանես» շարքի ցուցահանդեսով, որտեղ ներկայացված էին հնագույն գրային նշանները: Նույն տարին արվեստագետը բանաստեղծուհի Ռոզա Յովհաննիսյանի հետ հանդես եկավ ձեռակերտ գրքի վարպետաց դասով, որում ներկայացվեց «Տղա Դավթի և աղջիկ խանդուխի հեքիաթը» պատմությունից մինչև ստեղծում:

2023 թվականի առանցքը «Ուտոպիա և Պարադոքս» խորագրով ցուցադրությունն էր՝ գեղագիր Ռուբեն Մալայանի ստեղծագործություններով և վայելչագրության մշակութային զարգացման շարժումներով: Գրքերի արվեստը և վաղաժամկետ արվեստագետների ստեղծագործությունները համադրությամբ:

Նախագիծը, բացի ցուցահանդեսներից, ներառում է վարպետաց դասեր՝ կալիգրաֆիայի, գրատպության, տառաստեղծության, գրաֆիկ դիզայնի թեմաներով, դասախոսություններ և քննարկումներ՝ հրավիրյալ մասնագետների մասնակցությամբ, աշխատարաններ դպրոցականների և ուսանողների համար, հանդիսավոր փակման համերգներ, որոնց մասնակիցն են դառնում իմանականում տեղական երաժշտական խմբերը, ինչպես օրինակ՝ «Խազեր» երգչախումբը, «Նռանե» ֆոլկ-ռոք թենդը և այլն:

Արդեն հինգ տարի շարունակ այս միջոցառումները ձևավորում են նախագծի յուրահատուկ ոճը՝ դարձնելով այն ոչ միայն արվեստի ցուցադրություն, այլև համայնքային, կրթական ու ճանաչողական լայն հարթակ:

Նախագիծը մեծ հաշվով կայացել է համագործակցությունների շնորհիվ: Առաջին չորս ծրագրերի իրագործմանն օժանդակել է ՀՀ ԿԳՄՍ նախարարությունը: Նախագիծն որպես գործընկեր և մասնակից հանդես են գալիս ՀԳՊԱ Գյումրու մասնաճյուղը, Չայաստանի գրողների միության Շիրակի մարզային բաժանմունքը, Գյումրու համրակրթական և արվեստի դպրոցները, Գեղագիտության ազգային կենտրոնի Գյումրու և Վանաձորի մասնաճյուղերը, Կրաշեն գյուղի Արտուտիկ կենտրոնը, Կարա-Մուրզայի անվան երաժշտական ուսումնարանը, Գյումրու թ.3 արհեստագործական ուսումնարանը, ինչպես նաև բազմաթիվ այլ կրթական ու մշակութային կենտրոններ:

Տարիների ընթացքում նախագծին միացել են տառաստեղծներ Ռուբեն Թարումյանը, Էդիկ Ղաբուլյանը, Սկրտիչ Մաթևոսյանը՝ «Ակտուալ Արտ» հրատարակչության տնօրեն, գրաֆիկ դիզայներ, որը նաև նախագծի լոգոյի և ամբողջական գրային դիզայնի հեղինակն է: Մասնակցել են նաև ճապոնացի նկարիչ Կուսիտո Նագատկան՝ հայկական սեպագիր արձանագրությունների ուսումնասիրման և պահպանման «տակու հոն» մեթոդի ներկայացմամբ, ֆրանսիաբնակ արվեստագետ Վազոն (Վազգեն Պահլավունի-Թադևոսյան)՝ իր «Ասեմիկ գրեր» և արվեստագետի գրքերի մասին դասախոսություններով, արվեստագետ Վահան Թոփչյանը՝ «Ծաղկողների արվեստ» և բացիկների նկարագրողման վարպետաց դասերով, արվեստագետ

Սարգիս Յովհաննիսյանը՝ լինոփորագրության աշխատարաններով, նկարիչներ Չրաշյա Վարդանյանը, Կարեն Բարսեղյանը, «Չայ գրի մշակույթ» շարժման հեղինակ Տարոն Սահարյանը, Յովի» Թումանյանի թանգարանի տնօրեն Անի Եղիազարյանը՝ Արտավազ Թումանյանի վաղ տարիքի գրքերի նկարագրողումների մասին դասախոսություններով աշխատարանով, երիտասարդ արվեստագետներ Անի Առաքելյանը, Օֆելյա Միլիտոսյանը և այլք:



Ամենամյա նախագծի հիմնական օրերից բացի, Գալերի 25-ում տեղի են ունենում նաև գրքարվեստի և կալիգրաֆիայի վերաբերյալ ընթացիկ այլ միջոցառումներ, ինչպես օրինակ՝ Իրանի դեսպանության աջակցությամբ կայացած իրանցի երկու գեղագիրների վարպետաց դասերը, գերմանացի արվեստագետ, խեցեգործ Էլկե Բոշկեի վարպետաց դասը և այլն:

Այսօրը

«Գրքարվեստ և կալիգրաֆիա» նախագծի արդիականությունն այսօր առանձնահատուկ կարևոր է: Թվային աշխարհի սրընթաց զարգացման պայմաններում, երբ ձեռագիրը ժամանակ առ ժամանակ դիջուալ է իր դիրքերը, նման նախաձեռնությունները հիշեցնում են, որ գրի միջոցով արտահայտված միտքը, գեղագիտությունն ու հմտությունը մշակույթի անբաժան մաս են:

Ծրագիրը մի կողմից՝ ապահովում է ժառանգության պահպանումն ու փոխանցումը՝ վերակենդանացնելով ձեռագրի և գրչության հազարամյակների պատմությունն ունեցող արվեստը, մյուս կողմից՝ խթանում է ժամանակակից ստեղծագործական մտածողության զարգացումը՝ քաջալերելով նորարար մոտեցումներ տառարվեստի և գրքի ձևավոր-

ման մեջ: Բացի այդ, այն կարևոր դեր ունի հանրային կրթության և ներգրավման ոլորտում, քանի որ բազմաթիվ դպրոցականներ ու երիտասարդներ այստեղ ձեռք են բերում հմտություններ, որոնք կարող են որոշիչ լինել նրանց ապագա մասնագիտական կողմնորոշման հարցում:

Հոբելյանական 2025-ը՝ նոր մարտահրավերների ու նպատակների ճանապարհին
Հոբելյանական հինգերորդ տարին ամփոփեց «Գրքարվեստ

և կալիգրաֆիա» նախագծի ստեղծագործական ճանապարհը և վերագնահատեց դրա ձեռքբերումները: Հետահայաց ցուցադրությունը, բոլոր մասնակիցների հետ հանդիպումն ու քննարկումները հնարավորություն տվեցին մի պահ դադար տալ և հետ մայել՝ վերաարժևորելով այս տարիների ընթացքում ստեղծածը:

Ապագայի նպատակներն ավելի մեծ են. հնգամյա համահավաք կատալոգի տպագրություն, համագործակցությունների ընդլայնում, առավել լայն միջազգային մասնակցություն, նոր թվային և ժամանակակից տեխնոլոգիաների ներառում, կրթական ծրագրերի ընդլայնում, վայելչագրության նոր, համարձակ բացահայտումներ:

Հարկ է նշել, որ այս տարիների ընթացքում գրքարվեստի և վայելչագրության թեմայով մեծ հավաքածու է ստեղծվել Գալերի 25-ում, որն ապագայում ցուցադրվելու և որպես ուսումնասիրության նյութ հանդես գալու միտում ունի: «Գրքարվեստ և կալիգրաֆիա» նախագիծն ինքնատիպ մշակութային տոն է, որտեղ գիրը ոչ միայն պատմվում է, այլև ստեղծվում, փոխանցվում և նոր կյանք է ստանում:

Լուսինե ՓԱՆԱՆՅԱՆ

ԳԻՏԱԿԱՆ ԿԱՄՈՒԻՆԵՐԵՎԱՆ-ԳՅՈՒՄՐԻ

Նոյեմբերի 25-ից 27-ը Հայոց ցեղասպանության թանգարանին ստիտուտի «Թուրք-ադրբեջանական լեզվաքարոզչական խոսույթը» գիտական նախագծի շրջանակում մեկնարկվեց մարզային բանախոսություն-քննարկումների եռօրյա շարքը:

Գյումրու գեղագիտության ազգային կենտրոնում բանախոսեցին ՀՀԹԻ-ի գիտաշխատող, բ.գ.թ., դոցենտ, նախագծի ղեկավար Էլինա Միրզոյանը և ավագ գիտաշխատող, պ.գ.թ. Թեմինեն Մարտոյանը:

Բանախոսության շրջանակում Միրզոյանը ներկայացրեց թուրք-ադրբեջանական ցեղասպանական խոսույթի թեզեր, հակաթեզեր, արտահայտչաձևեր, որոնց թիրախում են Արցախը և Հայաստանը: Այդ համատեքստում առանձնակի քննարկվեց հայկական տեղանունների ադրբեջանականացման պետական քաղաքականությունը, թեզերի թուրքական ակունքը, դրանց կիրառման ժամանակային ծիրը, դրսևորման նախացեղասպանական

պասիվ, ցեղասպանական և հետցեղասպանական ակտիվ ընթացքը: Սահմանվեց «ոճ-րագործի լեզվի» և դրա ազդեցության վտանգների տիրույթը, քննարկվեցին հետևանքները, ինչպես նաև անդրադարձ արվեց քաղաքագիտական լեզվաբանության թեմատիկ խնդիրներին: Թուրքիայում և Ադրբեջանում:

Երկրորդ բանախոս Մարտոյանը ցեղասպանության զոհաբանության համատեքստում ներկայացրեց ուսումնասիրվող նոր ուղղություն՝ «ականատես-վերապրողների լեզուն»: Անդրադառնալով ցեղասպանության քաղաքականության պարբերական շարունակությանն Արցախում՝ պատմաքննական զուգահեռ անցկացրեց՝ մատնանշելով ընդհանրությունները, բովանդակային եղափոխությունը և վկայագրման լեզուն:

Բանախոսությանը ներկա էին ինչպես գիտական, այնպես էլ՝ բազմագիտակարգային ոլորտների ներկայացուցիչներ (պատմաբան, էթնոհոգեբան, գրականագետ, բանաստեղծ, մանկավարժ, լրագրող, մշակույթի գործիչներ): Այն ամփոփվեց կառուցողական քննարկմամբ և շարունակական համագործակցության առաջարկներով:

Այցելության շրջանակում բանախոսները հանդիպեցին նաև հարկադիր տեղահանության հետևանքով Գյումրիում հաստատված արցախցիների բառահավաքչության նպատակով:

Գիտական նախագծի շրջանակում ռազմավարական նշանակությամբ մարզային դասախոսությունները շարունակական են:

Մեր խորին շնորհակալությունն ենք հայտնում ՀՀ ԳԱԱ

Շիրակի հայագիտական հետազոտությունների կենտրոնի գիտաշխատող, բանաստեղծուհի Ռոզա Յովհաննիսյանին՝ միջգիտակարգային հարաբերություններ ձևավորելուն, «գիտական կամուրջ» կառուցելուն նպաստելու համար:

Էլինա ՄԻՐԶՈՅԱՆ,
բ.գ.թ., դոցենտ,
Թեմինեն ՄԱՐՏՈՅԱՆ,
պ.գ.թ.



ԱՐԵՎՄՏԱՀԱՅԵՐԵՆ ԲԱՆԱՍՏԵՂԾՈՒԹՅՈՒՆ



ՆՈՐԱ ՊԱՐՈՒԹԵԱՆ

ԶՐՈՅՑ ԼԵԶՈՒԻՍ ԴԵՏ

մտրակ ի ձեռին պատկառանքի խորանին կը սպասես որ խոնարհելու գամ քեզի ու շաչէ շաչէ գլխուս ուսիս ապաշխարանքի ճիչն հոգեպարար ու ցաւիս մէջ փառք տամ քեզի որ գիտես մեղաւորս բերել դարձի

կը սլքտամ մայթերուդ դարպասներդ ատեն-ատեն ճռիւնջով մը ափերուս չափ կը բանաս ու հատիկներ կը լեցնես գիրերու զորոս ուտելով լեզուս օր մը անիւի պէս պիտ' դառնայ ու ես կ'ուտեմ ես կ'ուտեմ այնքան կ'ուտեմ գիրերդ ազատ լեզուի ի խնդիր որ արիւնս ալ չի տոկար թանձրութեան ու դուրս կու գայ քիթս-բերնես անմարդկային դողի մը մէջ թաթխելով հեզ ուղեղս

ճարպակալած խորհուրդի մէջ վսեմատեսք երկաթեայ աքցաններուն մէջ անոր հիաւալաց գերութեանս ճար չու-նիմ թուքն զայրացկոտ մատեաններուդ ամեն տողէ շառաչելով կը նուաճէ մանրամունդ պահիկը երբ օր մը ազատ ես ծնայ ու սերմի պէս կաթկթելով հողիս վրայ կը յաւակնի փթեցնել պտուղս

քեզմէ վեր աստուած չկայ որո՞ւ դիմեն միանալու իմ բարբարոս սկիզբիս ուր հասակս անպարագիծ կ'ընդլայնէր ու ծառի պէս անվերջ կ'իջներ դէ-պի վեր կը խլրտար զմայլանքը շնորհքի առանց երբեք հասկնալու որ ամենուն չի տրուիր

կը բարբառի անհաւասար պատիժը անհիւրընկալ մայրութեանդ որ կը սպառնայ որբութեամբ իր դարաւոր յաղթանակի դափ-նիին տակ խողխողել անջրպետը բջիջին գառան հրէշի թթու քրտինքով կ'ոռոգէ արտերն հիւանդ ու ծանծաղ

ու կը խոթէ կուռքն իր անուան աչքերուն մէջ լոյսի երես երազողին

ահասարսուռ կուրութեան մէջ իրենք զիրենք կը կապկպեն ջիղերը կը կծկուին մեծնալու դաւադրութեան մէջ չինկած վախը զիրենք կը պաշտպանէ կեանքին դէմ քեզի դէմ, կը թափթփին առնետներու բերանին աղերսելու անոնց գուրը աղետն որ պահեն մաքառումը բախտին դէմ

ծերանալով կը մանկանայ հարցումս ժամանակով կը սկսի չհասկնալ լեզուս, լեզու չես գտեր հետս մանկանալով կը մահանան լուծերս լուծուելուս հետ կը լուծարուիս դո՞ւն, լեզուս, որ, աւաղ, լեզու չգտար հետս



ՎԱՅԱՆ ԶԱՆՈՅԵԱՆ

ԶՐԱԷՐ...

Ի՞նչ վստահութեամբ հրաւիրեց քեզ... «...եկէ՛ք ինձի բոլոր յոգնածներ եւ բեռնաւորուածներ եւ ես ձեզ պիտի հանգստացնեմ...»

Ինձի՛ եկուր... արծաճաճեց ականջիդ մէջ եկո՛ւր

եկո՛ւր հանգստացի՛ր հասաւ քեզի ինքնավստահ Զիւրընկալին կանչը ուժեղ

...որովհետեւ յոգնած էիր

բայց քանի որ դուն այդ պահուն հանգստութիւն չէիր բաղձար չըմբռնեցիր խորհուրդը այդ հին խոստումին

ու վերջապէս ընդունեցիր որ թերեւս հրաւերը ղրկուած չէր քու հասցէիդ այլ միայն այն յոգնածներուն որոնք կ'անցնին համեստ ու հեզ արդէն մոռցած

նպատակը իրենց բեռան

Պատմաբաններ՝ կը կոչէիր դուն գանոնք պատմաբաններ՝ դուք ձեր անկման խղճալի մեկնաբաններ՝ դուք ձեր թշուառ պարտութեան

կեանքին կէսը ձախողելով անցուցիք եւ միւս կէսը բացատրելով

բացատրեցի՛ք դուք անընդհատ բացատրեցի՛ք ու յուսացիք արդարացնե՛լ ու համոզել...

մինչեւ այսօր երբ վերջապէս յոգնած էք...

Ու տակաւին պիտի հարց տաս

Ինչո՞ւ եկար ու յոգնեցար յոգնեցուցիր բեռ կրեցիր ու բեռ դարձար ու տանջեցիր տանջուեցար բայց հիմա հոս գլուխդ կախ հրաժարած կ'ուզես հանգչիլ

Երբ տակաւին յոգնութիւնդ արդարացնող

ոչ մէկ արդար տիւ կամ գիշեր չես վատակած ոչ մէկ հաւատք չես նուաճած չես փարատած ոչ մէկ կասկած չես ստեղծած ոչ մէկ բարձունք ոչ մէկ աստուած Օ՛ դուք հմուտ մեկնաբաններ ձախողութեան գիտե՞ք արդեօք եթէ երբեք ունենայիք մէ՛կ նուաճում

մէկ յիշարժան իրագործում մէ՛կ յաղթանակ որ թողուր հետք ու պարզ խօսքով՝ եթէ միայն յաջողէիք պահ մը գոնէ տիրել կեանքին չէի՞ք յոգնեք չէիք զգար որեւէ բեռ

եւ աւելին՝ թերեւս դուք Զիւրընկալին հրաւերը չէի՞ք լսեր...



ՈԱՖՖԻ ՍԱՐԳԻՍԵԱՆ

ՄԵԾ ԶՕՐՍ ԺԱՍՍՑՈՅՑԸ

Արծաթագոյն պատեանով եւ շղթայով, գլխաւար գրպանի ժամացոյց մ'էր, որ միշտ, շապիկի ձախ կուրծքի գրպանին կը կրէր մեծ հայրս: Ծալապատիկ կը նստէր, մեր հասակին՝ ազնիւ, խոնարհ, իմաստուն: Մենք մեր խաղերով իր կողքին, իսկ ան խրատներով անհուն՝ կ'օծէր մեր հոգիները, իր վերապրողի ոգին շերտելով, մատուցներ կը նուիրէր մեզի, ամեն այցի, Եղեսիոյ կանչն հոգեմտաւոր՝ Աստուածաշունչ աղօթքներով կը հաղորդէր, հիւսք առ հիւսք, ազգ եւ կրօն կը զօդէր մեր աճող սրտերուն: Աչազուրկ էր ան բայց ոչ կոյր, ոմանք կուրօրէն կ'ըսէին անբաղտ, իսկ ան յուսալի եւ անվրդով՝ Աստուծոյ գովաբան, սիրտը տեսիլներու հնոց, Խիղճն ու գործը սուրբ, սիրոյ անհուն աղբիւր... Յաճախ աչ ձեռքը կ'երկարէր, գրպանէն կը վերցնէր ժամացոյցը, իր արատահոս ափին առնելով՝ կը մօտեցնէր ականջին, կեռանիւր կը լարէր եւ կոխելով կը բանար: Մատերով կը շօշափէր սլաքները եւ թւերուն գագաթին ցցուն պրայլը, ապա փակելով՝ կը դարձնէր կուրծքի գրպանը: Յառաջխաղացք սլաքներով՝ կեանքը կը սլանար, Բայց, Փառք Աստուծոյ, որքան որ շնորհէր Մեծ Զօրս, այնքան եւս պիտի տար, բայց Իր կամքն պիտ ըլլար: Մենք կը լսէինք ժամացոյցի ծայնը, որ համահունչ իր խրատներուն՝ կ'արծաճագէր ձախ կուրծքի գրպանէն, իր սրտի տրոփումն էր կարծես, իր բարի խոհերուն եւ խօսքերուն երաժիշտը ստոյգ: Մեծ հայրս կը ննջէ յաւիտեան, բայց կը լարեն ժամացոյցը, կը դնեն ականջիս եւ կը լսեն իրեն՝ սիրտը, միտքը,

հոգին, բարոյական կողմնացոյց, յարատեւելու կանչ, պայքարելու աղաղակ, բոլորն պատսպարուած այս արծաթեայ պատեանին մէջ, ուրկէ հաւատք, յոյս եւ սէր պարբերաբար կը հնչեն, երբ աղօթքիս հետ կը լարեն զայն:



ԽՈՐԷՆ ՔՅՆՅ ՊԵՐԹԻՉԼԵԱՆ

ՍՐՏԱԲՈՒՄ ՓԱՓԱՔՆԵՐ

Մանկապարտէզ կ'ուզեմ երթալ Ազատ-հանգիստ լալ ու խնդալ Ընկերներով խաղաղ խաղալ Անտառներէն հեռու կենալ Բողոք, կոկոն, ծաղիկ ըլլալ Առանց փուշի, միշտ բուրմունք տալ Զին օրերուն վերադառնալ Վերածնիլ, անմեղամալ:

Մանկապարտէզ կ'ուզեմ երթալ Մարդկութիւնն է խեղճ տառապեալ Զագիւ ուրախ անակնկալ Յետոյ տագնապ, սուգ կայ դարձեալ Կարելի՞ է տոկուն զգալ Զաւառքով ալ կանգուն մնալ Իսկ պահերուն ալեկոծեալ Արիանալ եւ մանկանալ:

Մանկապարտէզ կ'ուզեմ երթալ Պարզութիւնը խորքով ճանչնալ Տիրոջ լոյսով պայծառանալ Զարէն ընդմիշտ օտարանալ Սիրոյ խօսնակ հանդիսանալ Միածնաէջ մարդ դառնալ Բեթլեհէմեան աստղով շողալ Աւետիսի երգով խայտալ:

Մանկապարտէզ կ'ուզեմ երթալ Ներկան ապրիլ, հոգը մոռնալ Օրօրներով խոր քնանալ Եղեմական կեանքով ցնծալ Անվերջ գարնան մասնիկ ըլլալ Իսկ սրտերուն տրտմեալ, խո-ցեալ Ակնթարթով մը մօտենալ Ջերմ մաղթանքով ներկայանալ:

Աշխարհն է մութ, մեղքով անկեալ Խիղճն է լքեալ, մոյմիսկ թաղեալ Եսը կեղորոն, շատ մեծարեալ Մենքը ափսոս դատապարտեալ Յիսուս ձեռքով փառաւորեալ Կ'առաջարկէ մեզ դարձի գալ Որ վերածէ սրտերն մեղեալ Դրախտաբոյր ծաղկազարդեալ:

Էջը կազմեց Նուրե ՆԻԿՈՂՈՍՅԱՆԸ

Հրատարակված է ՀՀ ԿԳՄՍ նախարարության աջակցությամբ:

Լրատվական գործունեությունն իրականացնող՝
Հայաստանի գրողների միության Շիրակի մարզային
մասնաճյուղ:
Հասցեն՝ Շիրակի մարզ, Գյումրի, Գորկու 62
Վկայական N 01Բ 001543

տրված է 21.03.2005թ.
հեռ. (094) 53 44 64
Խմբագրական խորհուրդ
Գլխավոր խմբագիր՝
Ռոզա Հովհաննիսյան

Համակարգչային ձևավորումը՝ «Էլիտարդ Պրինտ» ՍՊԸ
Տպագրված է «Վան Արյան» հրատարակչատան
տպարանում
Տպաքանակը՝ 500
Ծավալը՝ 2 տպագրական մամուլ